

杭州圖書館

◎ 杭州圖書館

明詩綜卷二十七下

小長蘆 朱彝尊 錄

雲溪 江 發 緝評

許 讚 一首

讚字廷美靈寶人弘治丙辰進士累官少傅兼  
太子太傅吏部尚書文淵閣大學士贈少師謚  
文簡有松皋集

感遇

主人凌晨起灑掃坐當楹屋東有茂樹其上鳴  
鳥鳴主人心所惡彷徨巡檐行亟命伐此樹庶  
幾遠惡聲僕言梟可射樹伐難再榮毋以小失  
大事當論重輕

明詩綜卷二十七下

劉 麟 一首

麟字元瑞本安仁人先世以武功襲南京廣洋  
衛副千戶遂家焉中弘治丙辰進士除刑部主  
事歷員外郎中出知紹興府削籍徙居湖州起  
知西安府擢雲南按察使謝病歸尋起太僕寺  
卿遷副都御史巡撫直隸復引疾再起大理寺  
卿改刑部右侍郎陞工部尚書卒謚清惠有南  
坦老人集

王元美云元瑞詩如癡女兒能織鴛鴦自謂詩絕改詩鳳皇更無此鳥可以發笑

靜志居詩話尚書由二千至登三九之列數棄官以去好為山水之游流寓長興之南坦自號坦上翁與孫山人一元龍會事寔及茗中名士吳從流侃等結詩酒社號苦溪五隱年八十餘被褐坐小舟赴岷山會人不知為鉅公也嘗請浚川預作棗銘可云達天知命者矣顧華玉贈詩云琴鶴居何定葦鷗味獨偏王履吉寄詩云鸞鶴謫員貞孫華贈詩人孫太初詩云開門句好香殘後擔藥聲高月上初其風流可想見也

南坦讀書臺

盡洗侵輿竹來聽轉壑泉萬花齊映谷五柳欲飛縣  
弱子將迎婦鄰翁許借錢讀書臺下雨種玉比藍田

陶諧一首

諧字世和會稽人弘治丙辰進士累官兵部左  
侍郎贈尚書謚莊敏有南川漫游臺

詩話南川詩未知津數  
與空同酬唱吾服其瞻

晚宿峽石

迢遞羣山合逶迤一徑通半村無夕照空谷自天風  
轍亂哈呀上年衰道路中客懷增闕寂新月翳疎桐

劉玉十二首

明詩綜卷五十七

二

玉字咸栗萬安人弘治丙辰進士除知輝縣入

為御史歷南京左僉都御史董江防後至刑部

左侍郎有執齋集楊用修云古詩歌行妥帖排纂入古  
作者之室五七律雖唐人何多讓焉

詩話康陵南巡將臨斬文偉喪詞臣撰祭文均不稱旨御製文云朕居  
東宮先生為傅朕登大寶先生為輔朕今南游先生已矣嗚呼哀哉當  
時必言之臣咸斂手歎息嘉靖中王新建沒執齋侍郎作祭文云嗚呼  
公之才拔乎其萃嗚呼公之學出乎其類嗚呼公之功曠克似之嗚呼  
公之壽竟止於斯亦可謂言簡而意盡矣執齋當宸濠之變正理江防  
馳檄師中與喬莊蘭倚角克固疆圉其功有足錄者詩頗娟秀絕塵比  
似莊簡

夜坐

暝色闕琴書開軒對明月微雨卷薄雲疎星粲成列孤  
蹤棲鳥定羣響蟲聲歇緬懷塵外人高枕宵鐘徹

秘獄

牆隙風來無蹤翻書卷衣袂使我燈燄閃爍如青蟲嗟  
風伯來何從清明明庶成化工乾坤大噫土囊小胡為  
牆隙如吹筒嗟嗟風伯省厥躬

百舌

百舌鳥何佻巧啼遍上林音裊裊雌鳩喚雨雄鳩晴鷓  
鴒欲住鶉欲行一鳥一舌尚難定爾有百舌能無爭人  
生言出慮禍入一言之失駟不及三寸舌在中禍機暗  
爾百舌無是非

志怪

紀歲丁丙戌夏四月廿六靖浪之民家黃犍身孕犢一  
項而二首各具口耳目五月十四日丙申金壇農婦生

明詩彙卷十下

三

怪人頭方四角面青而六眼高額凹鼻獠牙鳥喙如山  
精手足一節具一爪隨地鬼叫連三聲欻然起走擊乃  
斃創見此怪吁可驚七月望仍丙申日異牛又產南陽  
邑二首相同項亦分心肺雖分身尾一聞之嗟嗟稽占  
書無乃世降生形殊反身脩德天可格祥桑枯死安無  
虞

石鍾山歌

石鍾山何高哉雙巖競秀江之隈初疑端人秉笏立朝  
署又疑靜女把鏡臨妝臺長江萬里如奔馬彭蠡淵泓  
匯其下乾坤陶冶質本虛波濤撞擊聲非假春風浩蕩  
秋月明蛟龍鼓舞鯨鼉鳴或如巨鏞震東序或如棧劇

和琴笙水石相搏豈人力石鍾千古留佳名山僧叩石  
誇奇絕南音含胡北清越山川靈異石偶同至理寧容  
三寸舌我來訪古將誰從酈元李渤東坡翁枕流洗耳  
了無得倚闌目送雙飛鴻忽憶高皇此停蹕龍旗一掃  
羣兇畢鐘乎鐘乎爾善鳴爲子汛埽磨厓石

聞甘肅有警寄榕溪公

驛吏傳邊報羌人犯肅州極知兵士苦誰解聖明憂調  
集晨分竈供輸夜唱籌早期青海靖定遠舊封侯

寄咸肅兄

江頭日日候歸船南北東西路幾千旅館夢迴常徹夜  
故園書去動經年愁連郢樹雲初合思入湘潭月又圓  
莫道少年堪久別高堂華鬢亦蕭然

明詩歸卷七下

四

越王臺

章遂江流去不回江邊今有越王臺年深往事憑誰問  
春盡野花空自開落日每隨孤鳥沒好風時送片帆來  
登臨却喜青山在猶勝阿房化劫灰

顏瓌墓

顏公沛令廬陵人也建文未死

社稷安危隻手支綱常輕重此心知未驅玄武門前騎  
已拔丹陽鎮上旗千古夷齊真義士百年忠孝有佳兒  
荒墳偏灑行人淚泗水東流無盡時

蓮花澱

平堤一望盡湖光橋北橋南路短長漁父水中圍曲箔

行人冰上引拖牀

送行

日日都門送別離  
道傍楊柳已無枝  
西飛白日東流水  
不放行人住少時

懷歸

鑑湖之水清且漣  
中有二頃桑麻田  
故人有約不歸去  
老却黃花又一年

黃

衷  
三首

衷字子和南海人  
弘治丙辰進士  
歷官兵部右

侍郎有矩洲集

鍾仲實云矩洲歷官所至皆有題咏晚年謝事丘泉寄與不倦其詩整而俊婉而有則宏博而

不

明詩綜卷二十七

五

詩話矩洲詩無根核與到筆酣間與曩篇暗合若野練晴飛孤與白木棉春試小枝紅白酒河橋花底社黃蝶沙市蟹家兒處處短垣圍牡蠣家家生計種扶留鳥隱忽開衡岳寺林端恰下灑江船桐木歸來津口渡楊花飛過驛南樓狀南中風景歷歷在目

益陽紀事

潭州楚南郡獷黠俗易敝  
伊昔炎宋時控禦恒置帥  
惟我神聖朝綏靖亦數世  
去年五百峒椎牛立赤幟  
居民棄業走行旅  
盡心悸俄聞益陽菁  
倡亂渠首二敢叛  
假息思遂揭怒車  
臂豈緣科率煩厥咎  
在長吏我時移鎮  
來集議詢根蒂  
米聚山川形陣列  
犄角勢團夫里抽壯  
甲長家舉義風  
霆驅號令狼兇各殲  
瘡疔猛安可常覆  
轍戒前事慎爾血  
氣軀毋使腰首棄

萬縣

川東十數州此地事征權噬販浮大航蠻實日交錯算  
縉及銖釐刺穎倒囊橐追惟作法誰主者乃倅幕先王  
御盛世賦稅且云薄未造計舟車諒非明哲作刀錐將  
盡爭何以揀民瘼厲禁如可除商旅永和樂

雨

自從人日雨漠漠浹旬連漸綠磯頭草仍迷夏口船雷  
聲喧浦近農事憫時先楊柳東門色春寒幾度眠

湯

沐一首

沐字新之江陰人弘治丙辰進士除崇德知縣  
入為御史累官大理寺卿有廷尉集

秋日寫懷

明詩歸卷五十七

六

黃菊秋來已滿籬青山於我久相期孤燈對酒不成醉  
遠道逢秋更覺悲祇恐病侵垂老日不妨貧過未官時  
沅湘欲趁東歸櫂竹杖芒屨任所之

陳

霽一首

霽字子宇吳縣人弘治丙辰進士改庶吉士授  
編修忤劉瑾勒致仕瑾誅復館職歷國子監祭  
酒有玉堂成均歸田諸橐燬於火僅存葦川集

藏於家

詩話祭酒古之遺直為史官時面責劉瑾謂古者刑不上大夫大廷非  
行杖之所且言劉公健謝公遷皆顧命大臣君無故一旦去之恐非所  
以保貴富之道瑾對以廷杖正統年有之公曰此姦邪王振所為爾瑾  
爭曰王振死土木之難忠臣非姦邪公作色曰此賊幾覆社稷何忠之  
有瑾曰編修借振罵我邪銜之欲置公死地以丁母憂僅免其後又劾  
江彬幾為彬所陷歸田潛退尤人所難詩草被焚從其裔孫錄手藁一

過楊二郊居

白石芳郊路清谿舊竹扉橋通湖水近樹入隴雲微蘋  
葉漂波冷鱸魚上釣肥村醪沽不遠落景未言歸

熊卓 三首

卓字士選豐城人弘治丙辰進士授平湖知縣

徵拜監察御史有熊御史詩選

王元美云熊士選如寒  
蟬乍鳴疎林早秋非不

清楚恨乏他致 顧玄言云侍御才華警拔一旬一字酷尚初唐已得  
王楊風采特少深致 穆敬甫云熊詩如西子解顏萬夫婉孌 黃清  
甫云卓詩所存最少不過四十篇出自北地所刪殆  
無遺珠矣而不足以振然其短調楚楚亦自清發

詩話張光世集為漢德潤所定熊士選詩為李獻吉所刪兩  
君俱有才名不應棄率若是疑所汰者金而所存者沙矣

送王衍之還陝和廷實韻

明詩錄卷二十七

七

擾擾郊門道沙寒驛路微煙花行客晚京洛故人稀野  
岫孤雲沒春山獨鳥歸秦川隱關塞一望一沾衣

出居庸

沙上望行人日暮愁心絕江南四時春邊地五月雪

送客城南

楊柳河橋外春風倒玉壺離情不可道江路滿蘼蕪

趙鶴 二首

鶴字叔鳴江都人弘治丙辰進士歷官山東提

學副使有具區集

顧華玉云叔鳴詩取凡語於古愛謝靈運  
於唐愛孟郊於元愛劉因嘗曰此道不宜

淺淺則庸沉下矣其登泰山金焦諸篇  
言言自作更不隨人真凌厲千古膽也

詩話李獻吉登岱詩日抱扶桑曙天橫喝石來字子相稱之謂有莽視

岱字斗量滄海之致若叔鳴山厭星辰從下看海浮天地自東跑亦驚

登岱

也句

一上遙岑萬丈蒼  
天風應爲襲衣裳  
雞鳴往往看初日  
人語時時到下方  
雲暗鐘聲連海樹  
春浮花氣入山堂  
扶藜不淺登游興  
祇怪輿丁喚客忙

蓬萊閣觀海

蓬萊高閣晚涼開  
倦客垂涼坐未回  
不住鳥聲衝雨過  
有時龍起帶潮來  
愁雲尚識田橫島  
仙月還虛漢武臺  
回首夕陽瀛海上  
一尊懷古獨徘徊

汪 循一首

循字進之休寧人弘治丙辰進士官順天府通

明詩綜卷五十五

八

判有仁峰文集

老去

老去心還競春來  
花又新未應行樂地  
偏愜少年人

戴

銳二首

銳字寶之婺源人弘治丙辰進士官南給事中

以論劉瑾削籍贈光祿少卿

武城晚眺

野曠蒼煙合城昏白日斜  
幕隄千樹柳負郭萬人家  
小舫明漁火高樓隱暮笳  
寂寥江上立羈思滿天涯

經古鄭州

城勢尚蜿蜒風光異昔年  
民垣官舍瓦兔穴戰場田古

樹無秋色殘碑有暮煙興衰亦常理臨眺却淒然

朱諫八首

諫字君佐永嘉人弘治丙辰進士歷官贛州知府調吉安謝病歸有蕩南集

俞汝成云君佐詩多自得之趣不規規於聲調格律

詩話蕩南近體足自名家

清明日泊揚子江

楊柳夾江青東風潮正平雲間旋蜃市沙際聽鶯更萬水俱東逝孤舟更北征不知時序改今日是清明

入清河

柳葉初凝綠桃花正滿林河流移故道海色變層陰午夜一帆月征人萬里心風沙吹欲老短髮不勝簪

明詩綜卷二十七

九

寓江心寺

孤嶼清秋夜星河萬里查江山如有約雲水暫為家白髮隨鷗鳥輕舟采石華秋風動歸思浙瀝響蒹葭

冬日奚蘭室老友見訪喜而有作

江村寒月客來稀坐對梅花半掩扉燈火最憐清夜話溪山偏愛舊人歸酒樽欲盡還堪瀉世路無情已息機相見不須悲白髮山林鍾鼎總成非

章孝夫鴈麓山莊

陰陰竹樹繞山根石徑雲深蕩北村無數落花浮水面盡隨鷗鳥到柴門鉤簾靜對千峰月種藥新開五畝園長日南窗事高卧謾將風景說桃源

瑤川新漲同魏海南泛舟

草煖風和二月天  
江南鰕菜不論錢  
前溪昨夜添新漲  
一葉中流范蠡船

夜坐

金爐火盡不聞香  
銀燭無光春夜長  
想見落花千萬朵  
盡隨風雨下池塘

寄曾良用

幾度南樓坐夕曛  
十年消息隔江雲  
歸來又向江頭別  
只見梅花不見君

黃相一首

相字弼甫莆田人  
弘治丙辰進士有一溪集

明詩錄卷三十七

十

槿樹花歌

日出花始開日沒花已落  
明日花開笑落花不知向暮  
還如昨人閒勢利自有時  
田實相傾徒爾為獨不見東  
陵瓜達人守法奚咨嗟子如不我信聽歌槿樹花

唐錦一首

錦字士綱上海人  
弘治丙辰進士除知東明縣  
入為兵科給事中歷江西提學副使有龍江集

近山

卜得幽居傍翠屏  
澗泉偏愛枕邊聽  
曉來嵐氣衝簾入  
濕透牀頭相鶴經

唐寅

九首

寅字伯虎一字子畏吳縣人弘治戊午舉南京

鄉試第一坐事下獄放歸有六如居士集

顧華玉云伯虎

畫落之餘益任放誕殉節體物託興歌謠間避俳文務諧里耳雖作者不尚其辭君子可以觀其度矣 祝希哲云子畏詩初喜儂麗既仿白氏務達性情佳者多與古合 宋礼之云子畏築室桃花塢中讀書瀨園家無儋石而客常滿坐風流文采照映江左謂人生貴適志何用劇心鍊骨以空言自苦故其者述多不經深思語殊佻淺 王元美云唐伯虎如乞兒唱蓮花落其少時亦復玉樓金埒 錢受之云子畏詩少喜儂麗學初唐長好劉白多悵怨之調晚益自放不計工拙與寄爛熳時復斐然歟臺素素輒其詩僅存少作而顧華玉以為絕藝在是此固未知伯虎抑豈可謂知詩者哉

詩話六如淪落明時恒賣馬為活故其詩云頌解皇都第一名獨披驛卧舊茅簷立錐莫笑無餘地萬里江山筆下生又云青衫白髮老癡頑筆硯生涯苦食艱湖上水田人不要進來買我畫中山謂之悵然足以悲矣然於画頗自矜貴不苟作而詩則縱筆疾書都不經意以此任達幾於游戲北宋水之斷其集僅存少年之作實未足以盡其長余於集外從画卷錄其留題絕句八首饒有風致未至如乞兒唱蓮花落也

### 驄馬驅

明詩綜卷二十七下

十一

悠悠驄馬驅道阻歲云晚豈無同袍士念子不能飯木  
落辭故枝去家日以遠鳴雞戒前途夕暝猶策蹇筋力  
已非舊淚下不可卷

### 題雲山煙樹圖

雲山煙樹靄蒼茫漁唱菱歌互短長燈火一村雞犬靜  
越來溪北近橫塘

### 贈感慈鄒先生画

騎驢八月下藍關借宿南州白塔灣壁上殘燈千里夢  
月中飛葉四更山

### 呈何先生画

青雲閣榭泉聲隔黃葉關河鴈影來別有詩人好懷抱

西風雙鬢一登臺

曉起圖

獨立茅門嬾拄筇  
鬢絲涼拂豆花風  
曙鴉無數盤旋處  
綠樹枝頭一綫紅

野寺

野寺空林落照低  
微鐘煙樹使人迷  
逢僧只道山門近  
不覺穿雲又過溪

雪景

重重樓閣凍雲連  
煙樹蒼茫帶瀑泉  
一夜空山千丈雪  
草玄人在玉壺天

墨菊

明詩綜卷三十一

十三

故園三徑吐幽叢  
一夜玄霜墮碧空  
多少天涯未歸客  
借人籬落看秋風

題畫

日長深閉竹廬眠  
席下猶餘紙裏錢  
檢點雞棲牢縛草  
夜來有虎飲山泉

劉龍一首

龍字舜卿襄垣人弘治己未賜進士第三累官  
南京吏部尚書贈太子太保諡文安有紫巖集

送謝同年邦用之湖廣僉憲

曲江花底記同遊  
十五年來鬢欲秋  
楚國旌旄新寵渥  
謝家人物舊風流  
君山雨霽簪螺髻  
漢水春深漲鴨頭

樽酒已空山已夕微茫煙樹隔仙舟

林廷楫 一首

廷楫字利瞻閩縣人弘治己未進士歷官太子太保工部尚書贈少保謚康毅有小泉錄橐

江南曲

鳥鳴花樹繇春滿江南道不見花下人但坐原頭草

將 瑶 一首

瑶字粹卿歸安人弘治己未進士由御史出知荆揚二府累官工部尚書加太子少保卒謚恭

靖

詩話康陵南巡近侍希帝意旨欲刷民間女子恭靖公知揚州府事語江彬等曰揚州女子少多受聘不便奪之無已則知府一女在得旨斯

明詩錄卷二十七

進耳乃罷時山陰汪清憲先生知泗州中使傳旨令進美人善歌吹者先生奏言泗州婦人荒陋無可應勅臣向民間訪桑婦儻納之宮中俾受蠶事庶於治化有裨事亦得殿二公彊直頗相類而康陵未嘗震怒亦足見帝德之寬大矣相傳駕旋時恭靖為彬等繫於舟中三日不食驅令送駕所騎馬受奪止攜一破墊驢背夜則寢焉抵臨清徒跣行岸上康陵遙望見之曰是詩知府邪可速遣還方得免維揚人感之入體春秋尸祝至今恭靖以官任尚書子杏林居者二十年入峴山社詩不多作惟秋社一律僅存

丙午秋社和我齋半溪聯句韻

湖上閒居繫遠心羣公蘭楫幾回臨  
衣冠聚處多鄉里  
存沒筵前換古今野寺浮橋煙樹暝  
碑斜日蘚苔侵  
從教津鼓催歸數且倚窪樽亭柱吟

孫 緒 一首

緒字誠甫故城人弘治己未進士歷官太僕寺

鄉有沙溪集

李時遠云沙溪瀛洲才子所作清新典麗足以名世

詩話沙溪無用閒談定資  
國史之采擇詩不見佳

### 居庸關官舍

一徑中開萬里橫居民無地問農耕霜催木葉晚山赤  
雨溜石苔秋水清沙鳥遠從天外度寒蛩苦愛夜深鳴  
峰巒徙倚休回首何處孤雲是故城

王守仁 十首

守仁幼名雲生字伯安餘姚人弘治己未進士  
授刑部主事改兵部坐救戴銑忤劉瑾杖闕下  
謫貴州龍場驛丞旋復南京刑部主事改吏部  
歷員外郎中遷南太僕少卿轉鴻臚寺卿拜左  
僉都御史巡撫南贛陞右副都御史論平宸濠

明詩歸卷五十七

十四

功擢南兵部尚書封新建伯卒贈侯諡文成從

祀孔子廟庭有陽明先生集

王元美云伯安詩少年有意求工而為才所使不能

深造而束於法晚年歸於道學尚為少年意象所牽不能渾融而出於自然自負若兩得而吾以為業於兩墮也又云王伯安如長爪梵志彼法中錚錚動人 穆敬甫云王公功業學術振耀千古固不必論其詩而詩亦秀拔不可掩其矜兼舉哉又云王詩如披雲對月清輝自流 顧玄言云先生經國大手博學通達詩非所優然有幽思逸致 錢受之云先生在郎署與李空同諸人游刻意詞章其後講學遂不復措意然其俊爽之氣往往涌出於行墨之間 陳則子云文成才情振拔少年頗擅風雅自講學後多作學究語遂不堪多錄 詩話新建勳業繁節文章皆可甲世特多講學一事謾言惟與森尊少聞先君子之言矣心齋預子之學也良知不動心孟子之學也大學思復戴鄭之舊定論莫負鶴鹿之爭仁智之見各殊揚墨之歸斯受其後流而為禪者門弟子之過也今就先生之詩觀之其過濂溪何云瞻依多少高山意曾向圖書識而真蹟易詩云乃知先天翁畫畫有至教題武夷野山溪流九曲初諳路精舍千年始及門示程畢二子云戴陽山下多豪俊應有吟風弄月人則先生何嘗立意樹幟張孤與洛閩諸儒異乎乃皆嘗之口以先生學術未純并先生大節疑焉暇驟素絲欲染為繼彼諧人者亦太甚矣

山石

山石猶有理山木猶有枝人生非木石別久寧無思愁  
來步前庭仰視行雲馳行雲隨長風飄飄去何之行雲  
有時定游子無還期有生豈不苦逝者長若斯已矣復  
何事商山行采芝

諸生

人生多離別佳會難再遇如何百里來三宿便辭去有  
琴不肯彈有酒不肯御遠步見深情寧予有弗顧洞雲  
還自棲溪月誰同步不念南寺時寒江雪將暮不記西  
園日桃花夾川路相去倏幾月秋風落高樹富貴猶塵  
沙浮名亦飛絮嗟我二三子吾道有真趣胡不攜書來

茆堂好同住

寄友用韻

懷人坐深夜帷燈暖幽光耿耿積煩緒忽忽如有忘立  
景逝不處朱炎化微涼相彼谷中葛重陰殞衰黃感此  
客游久經年未還鄉伊人不在目絲竹徒滿堂雲深厲  
書杳夢短關塞長情好矢無斃願言覲終償惠我金石  
編徽音激宮商馳輝不可即式爾增予傷馨香襲肝膂  
聊用中心藏

別湛甘泉

行子朝欲發驅車不得留驅車下長坂顧見城東樓遠  
別情已慘况此艱難秋分手訣河梁涕下不可收車行

望漸杳飛埃越層丘遲回岐路側孰知我心憂

古道

古道當長坂肩輿入暮天蒼茫聞驛鼓冷落見炊煙凍  
燭寒無燄泥爐濕未然正思江檻外閒却釣魚船

興隆衛書壁

山城高下見樓臺野戍參差暮角催貴竹路從峰頂入  
夜郎人自日邊來鶯花夾道驚春老雉堞連雲向晚開  
尺素屢題還屢擲衡南那有鴈飛回

元夕

去年今日卧燕臺銅鼓中宵殿地雷月傍苑樓燈彩淡  
風傳閣道馬蹄迴炎荒萬里頻回首羌笛三更謾自哀

明詩綜卷三十一

七

尚憶先朝多樂事孝皇曾為兩宮開

龍潭夜坐

何處花香入夜清石林茅屋隔溪聲幽人月出每孤往  
棲鳥山空時一鳴草露不辭芒屨濕松風偏與葛衣輕  
臨流欲寫倚蘭意江北江南無限情

寄浮峰詩社

晚涼庭院坐新秋微月初生月滿樓千里故人誰命駕  
百年多病有孤舟風霜草木驚時態砧杵關河動遠愁  
飲水曲肱吾自樂茆堂今在越溪頭

山中示諸生

桃源在何許西峰最深處不用問漁人沿溪踏花去

周倫一首

倫字伯明崑山人弘治己未進士累官刑部尚書贈太子少傅謚康僖有集

雨霽登馬鞍山

春暮日始霽尋幽憩山牀洞壑石衣冷懽懽松雨香悠然倚雲閣極目塵沙場

張琦七首

琦字君玉鄞縣人弘治己未進士除南大理評事歷寺正陞興化知府歷福建左參政致仕有

白齋竹里館二集

王元美云張君玉如夜蛙鳴露自極聲致然不脫淤泥中錢受之云白齋刻意爲

詩嘔心刻腎力去陳言覽者憐其攻苦焉李東堂云先生詩吐咀山川驅使雲鳥草木與一時詞人絕不同

明詩綜卷三十一

十一

詩話白齋於李何詩教盛行時別出機杼專以宋人爲師句如入到  
年一過客吾當十日九揮毫千村土犬月照雨半夜江魚潮入田天上  
星辰雖舊次夢中山水作其游離歌對酒無三疊殘暑先秋退一分十  
里長亭留短樹滿天晴日落黃沙濕螢螢竹火依火疲馬出郊山復山  
路入林低潮裏樹山行月黑寒窺人殘年滯雪開新歲五日敲水過一  
州古刹今僧相見少新篁花竹長來齊水邊地冷苔生髮山外民貧竹  
有花入之誠齋安晚集中猶上駟也弁州方之夜蛙鳴露說者以  
爲過而白齋出郭詩云一部新詩一部蛙則作者先以自喻矣

遊長山

偶偕羣從遊騎馬秋山冷笑語應谷聲揚鞭亂江影入  
山尚未深而有山棲境紅子落長藤蒼苔覆胛井短棘  
刺我衣朔風吹我領飢腹覓蕨根健步出松頂樵人四  
五家炊煙忽生暝問樵何處山云是丹霞嶺龜兔越崇  
岡豁然見高景飛鳥盪宵至浮雲暗生脛陟高原自平  
可以發深省

黃昏步溪上見煙月可愛

明月在天煙在溪煙中看月無光輝沙禽熟眠潮未響  
野火歷亂船初歸天邊楊柳誰家樹煙月相舍不知數  
此時幽景記不真莫是江南夢歸路

次夜又步溪上

月夜不減昨夜好秋霽家家夜飯早蔓青芋子白酒香  
土門竹舍黃花老農談悠悠靜可聽皆說官家今太平  
斗斛上倉不過槩差船點馬無兼丁翁哺弱孫婦抱子  
依依相對桑麻裏我願明月常此光不照離愁照歡喜

秋晚登君山

十年兩醉君山酒山下民風似昔年青帕茜裙耆麥女

銀鱸紫蟹入村船霜焦葉破猶藏寺江浦沙高未作田  
病骨登臨尚彊健坐聽湘瑟弄湘煙

黎園教曲圖

梨花千樹雨初收上苑春風吹未休新製樂章音調澀  
敕教依舊唱伊州

合和驛南望彌望皆白土

當時戰血有餘腥白土經年草不青留得遺民幾家在  
夕陽村裏掘蕪菁

溪家

紫絮茅花飛入門淺溪幽響出籬根溪家老婦閒無事  
落日呼歸白鼻豚

都穆一首

穆字元敬吳縣人弘治己未進士授工部主事  
歷禮部郎中乞休加太僕少卿致仕有南濠詩

略顧華玉云少卿文簡古有法詩雖故爾沖泊竟非俗韻 胡孝思云元敬詩宗陶孟 錢受之云南濠文筆平衍詩尤單弱不成家 詩話祝希哲九朝野紀徐昌穀剪勝野間往往紀載非實惟都少卿南濠文跋西使記金蓮琳琅聽雨紀談事必稽核蓋馬學之士也相傳吳中有娶婦者夜大風雨滅燭偏乞火無應者眾皆曰南濠都少卿家當有讀書燈在叩其門果得火膏居之貪笑曰天壤間當不令都生餓死 先氏風節如是詩 無足錄存豹一斑

吳江竹枝詞

雙櫓艖船無比輕耳邊惟聽踏車聲龍王堂下風波惡  
誰似儂心耐得驚

張鳳翔一首

明詩綜卷之七

七九

鳳翔字光世洵陽人弘治己未進士除戶部主

事移病歸卒年三十有伎陵集

錢受之云光世詩信手塗抹不經師匠如村巫

降神之語而獻古作傳以為子安再生文考復出關中人黨護曲論不惜入監噓管此類也

詩話伎陵集洵無足錄蒙史謂獻言黨護作傳然其集本歐古評點初不假借不以為近俳即以為太寔或議其篇章雖多事重意複或評其蘊蓄有餘變化未至惟卷末數篇云流動工緻所謂吾見其進也是無異師之視弟子若其文有擬彭澤士夫送陶潛解任歸序賦之曰此篇疑未親歸去來辭而作則侮人太甚矣蒙史黨護之論殊不其然

宮詞

社燕花梢翠尾分玉樓斜度語朝曛卷簾忽趁東風入  
誤落芹泥濕鳳裙

謝廷柱 六首

廷柱字邦用長樂人弘治己未進士除大理評

事歷官湖廣按察僉事有雙湖集

詩話邦用詩如屏  
塵在握淨掃游塵

水亭夜坐

今夜月上遲前夜月上早有月景固佳誰識無月好天  
高衆星明涼意在庭草風輕螢照樹夜定魚躍藻毛髮  
動蕭爽塵襟滌煩燥時序倏將代浮生嗟易老北鴈今  
已南游子在遠道昨夢江田村石林淨如埽獨坐望海  
亭把酒看雙島

茶園市伍家候大巡

微風散輕陰日色在雲裏出郭天氣佳游行心自喜肩  
輿歷青原瀾瀾見溪水農家住林藪前山若屏几因話

明詩綜卷三十一

辛

田與桑欣然憶鄉里

九月六日早發新化

出郭問前路度溪望千峰曉雨送薄寒碧嶂迴秋容人  
言秋思悲我愛山色濃歸興儻如此宦情渾已慵故園  
黃菊花正及茱萸鍾佳節不負人江海媿浮蹤

過彭澤縣

挂帆過匡廬檣舟向江縣彭澤舊知名淵明今不見巖  
松露沾蓋堤柳風拂面雖非當時物過客生愛戀公如  
素玉姿不以緇涅變又如瑤臺鶴凡鳥亦知羨我欲賦  
弔詞清詩公所擅我欲酌一觴薄酒不堪薦漲澤曉乘  
舟秋濤夜馳傳區區葵藿心瑣瑣芹曝善因公懷昨非

歸里今得便

夜泊石門

斜陽阜林驛暗月石門橋雨暴桑難葉煙村柳未條客  
懷空耿耿春事竟寥寥今夜舟中夢闕山翠欲漂

宿永峰不果踰十里改宿桐林

數程過百里天色已黃昏客問溪頭館農歸樹裏村雞  
豚各籬落煙火幾柴門乘夜求安枕桐林更上原

明詩綜卷二十七下

明詩綜卷二十八

小長蘆 朱彝尊 錄

查山 張士俊 緝評

周 用 十首

用字行之吳江人弘治壬戌進士除行人授南  
給事中陞廣東左參議遷浙江按察副使改山  
東歷福建按察使河南右布政使以副都御史  
撫南贛召還理院事陞吏部侍郎尋遷南京右  
都御史進工部尚書改刑部復召入為左都御  
史秩滿加太子少保轉吏部尚書卒贈太子太  
保謚恭肅有白川集 王道思云白川俊才博學橫行制作之  
林 王伯穀云公詩渾而雅清而質

明詩綜卷二十八

靜志居詩話白川十齡能畫長師石田翁得其指授詩則別裁風格取  
法杜陵集中詩云畫品仍游藝詩家特擅名丹青已餘事金石自希聲  
散地方盤礴諸公孰老成弼川稱一絕早晚射平生蓋以摩詰自喻也  
余嘗見公畫龍戲浪穿山城巖升降百年緜素雲霧猶濕至寫平坡放  
犢亦不減史道碩厲歸真乃知公  
藝事兼能不准以經濟文章重也

清都

惟昔游清都眷茲固難忘此日復何日真宰垂謙光合  
沓來天人羽儀紛成行被髮乘麒麟赤脚踏鳳皇層霄  
何嵬嵬瓊宮互相望六丁啓九關稽首朝紫皇紫皇顧  
之笑置我玉座旁當筵舉北斗為我酌酒漿一酌好顏  
色再酌生樂康羲和鞭白日回車息扶桑夜半聞天雞  
九州但茫茫

思古

古人不可見要見古人心羲皇日已遠河嶽徒高深焉  
知千載後無人復思今爲君歌所思清風激商音

恥菴

子車古有訓人不可無恥悠悠下千載聞者乃興起清  
風濯厚顏伊人欲何俟西山伯夷薇東海魯連水願言  
謝賢達毋獨爲君子

謝趙宗伯惠米疏

一行作法吏俛首事案牘凡百慎期會惴惴憂覆餗朝  
廷務寬大幸不蒙顯戮奪俸十二月一千九百斛平生  
媿素飽遠謀鄙食肉薄罰分所甘入市求脫粟同年松  
雪翁早歲辭厚祿有田西湖濱耕穫任僮僕豈惟充倉  
箱亦以給賓族使者持書來顏色照牆屋傾奩流白脂  
粒粒如選玉病夫笑開顏一月噉糜粥漑釜汲新泉爲  
報午炊熟推枕如一餐屬厭捫我腹勿藥信有喜便可  
謝休沐尚懷緇衣詩爲公且三復

耕雲

桐丘先生笑開口問我湖田不知畝一卷神農百穀經  
今日居然落我手農夫十耦牛十角公家什一我什九  
大田之稼歲十千與公歲歲爲春酒

聞詔

哀痛開新詔孤臣海上還塵沙新肉骨涕淚舊江山罪  
薄神明後生餘齒髮間君恩知莫報益厚野人顏

厓山 二首

天王海上難爲國，猶恨祥興似景炎。千里有心求馬骨，六官無力挽龍髯。已聞南劍仍開府，何事前軍早解嚴。欲把椒漿酹坏土，厓山風急雨纖纖。

何人決策幸揚州，可是諸公爲國謀。但肯十年嘗越膽，不妨九世復齊讎。中原肉骨餘孤子，諸將功勳待列侯。聞說舊時南渡後，有人進講魯春秋。

吳太常諸公九日前一日登清涼寺次韻

清秋何處迴高眼，山寺遙臨江水濱。滿地黃花聊避俗，誰家白酒未嘗新。可憐明日是九日，爲問閒人能幾人。且與山靈修故事，已傳西北靜風塵。

秋思

明詩綜卷三十一

三

黯黯湘雲斷九疑，娟娟山月照峨眉。者西風楊柳渾搖落，莫向江亭賦別離。

魯

鐸 三首

鐸字振之，景陵人。弘治壬戌進士，改庶吉士，以編修使安南，累官南國子監祭酒，贈禮部侍郎。

謚文恪，有蓮北使交東廂諸集。

李本寧云：先生思深而不苦骨動，而不屬情婉。錢受之云：振

而不蕩事核，而不銜氣平，而不餒山林，廊各適其體。錢受之云：振之沉潛學問，杜門斂迹，焚香危坐，日夜讀書，屢起屢臥，執持名節，爲翰苑師儒之官。

誠無愧焉。

詩話文恪以清德稱，恒曰：人嘗竊得菜根，則百事可作。君子以爲名言。歸田日築，已有園於宅東，賦之曰：其蔬則有茶、苜蓿、苜蓿、蘆、菘、蒜、茶、苗、嶺表山藥土中春間剪韭，秋高折蔥，豆多，五茄瓜，倘西東，較五石爲劣。芋、薯、踴、鴨、狀、同，獻于臯，所云：我與何曾同一飽，不知何苦食雞豚也。

又曰安子分之所遇子求子心之所好苟沒世其有稱于奚外身而有  
於又曰人生信亦有涯子嗟世事之莫盡往者幸於免各子來者可諒  
於余分連生之言猶恐修名  
之不立庶異乎莊老之指矣

### 古塔灘

古塔灘注山窪飛湍屈曲如奔蛇中流惡石故激怒跳  
珠濺雪紛交加鏘鏘爭走萬甲士刺刺倒露千狼牙官  
舟一葉百夫挽安危祗與毫釐差我時攀巖過絕壁四  
顧莫非獲所家倦來坐石却俯看握拳吐舌生咨嗟九  
龍山史好奇甚哦詩但道山水佳更嗔來日舍舟去磨  
崖不及親鑄過

### 鬼洲即事

見說瓜堪摘閒過洲上來小船風打去半日未能回

明詩綜卷十入

四

### 莊居漫興

田間事事雖畢村裏家家未閒唯有東湖隱者但從屋  
後看山

徐問 五首

問字用中武進人弘治壬戌進士除廣平推官  
名為刑部主事轉郎中出知登州府調臨江遷  
長蘆鹽運使歷廣東左布政以右副都御史巡  
撫貴州拜兵部侍郎改禮部進戶部尚書謚莊

裕有養齋集山堂萃豪

俞汝成云尚書詩不刻饒以  
為工然辭旨平正足以饒人

詩話尚書五律清高深德歌行如山雞野鶴自啼舞亦日照耀神仙宮  
懸崖石壁置臺榭凌虛下瞰馮夷官寒湖浦日下孤島潮回響駘晨昏  
鐘鼎具論  
仙風骨

和孫太守朝望登毗盧閣

與客登層樓，鈎簾瞰幽壑。秋色動遙林，千厓自空廓。俯視清川流，或見沙鳥落。涼飈拂襟袂，閒雲漾飛閣。書臺藤蘚荒，伊人久云邈。餘香有叢桂，三鯤風前萼。

歲暮

海濱歲云暮，草木尚莽蒼。玄枵隱化機，羣蟄寂餘響。誰云果不食，有復繼茲往。充然天地心，生息在反掌。况乃青陽交，和風遍穹壤。陽德嘉再亨，吾亦觀吾養。重闔靜喧蹶，性定道心長。百年日斯征，撫事集遐想。惟當務崇德，不媿絃俯仰。

夜發蕭灘

明詩綜卷千一

五

驛小臨官道，沙長帶水城。山於雲處沒，星過渡邊明。瑣非初志營，營慨此生北。堂凝望遠秋，日萬重情。

卧病

竟日還欹枕，秋風動客歌。青山愁處遠，白髮病來多。生計只書卷，故園空薜蘿。時時問雙鯉，欲寄洞庭波。

早發煙渚

雨色江頭樹，青煙夾路長。遠村迴寂寞，白鳥去微茫。楚客歸何日，春江正可航。因思雲嶠句，心折不成章。

何

塘二首

塘宇粹夫懷慶衛人弘治壬戌進士改庶吉士授編修轉修撰謫開州同知稍遷東昌府同知

陞山西提學副使改松江擢南太常寺少卿署翰林院事歷工部右侍郎改戶部復改禮部陞南京右都御史贈工部尚書諡文定有柏齋集

詩話文定講學兼明禮儀樂律其撰許魯齋祠堂碑稱魯齋以躬行為急而不徒事乎語言文字之間道以致用為先而不徒極乎性命之奧且言近世之士有志乎聖賢之道必留心性命至於修齊治平之方義利取舍之分多忽而不省夫性與天道夫子罕言而四教之施必以文行忠信則其先者可知已持論甚篤實詩特其餘事然如九日和韻從肺腑中流出此等作無論字句之工不工也

### 和郭杏東九日韻

重陽細讀黃花句懷抱因君一暫開杜甫當年長作客陶潛此日定銜杯殊方久廢登高興青眼誰憐濟世才北望親闈腸欲斷塞鴻頻到少書來

### 題淮浦卷

明詩綜卷三十一

六

長淮之水東南流美人家在淮上頭滄波碧石有深趣朝史暮經無外求東風側耳聽黃鳥夜月卷簾招白鷗  
畫圖一見擬相訪何處元龍百尺樓

李

時一首

時字宗易任丘人弘治壬戌進士累官少傅兼太子太師吏部尚書華蓋殿大學士贈太傅諡文康有薇花堂棗

### 夏日偶書

卜居地愛城西僻野水春來自作渠戶繞山光堪對酒園收柿葉好供書青林雨過煙蘿濕碧沼雲生石竇虛長者不聞門外駕小庭新草手閒除

葉相一首

相字良臣江都人弘治壬戌進士歷官刑部侍郎贈右都御史

史江皋約游芙蓉莊阻雨

細雨芙蓉徑衝泥客到稀橋分平野闊江入曲池微花怯寒輕墮鶯愁濕不飛高雲掩片月容易送春歸

林茂達一首

茂達字孚可莆田人弘治壬戌進士官至大理寺卿有翠庭集

讀淮陰侯傳

帶礪盟寒霸業空將壇寂寞幾西風中原草樹蘓秦鹿

明詩綜卷十九

七

雲夢旌旗出漢宮人代古今雙淚眼王侯天地一樊籠  
赤松始識神仙侶圯下無慙黃石公

王尚綱二首

尚綱字錦夫郟縣人弘治壬戌進士授兵部主事改吏部歷員外郎中出為山西左參政調四川引疾歸補陝西邊浙江右布政使有蒼谷集

李時遠云蒼谷

詩嚴整可觀

詩話蒼谷結仲默為姻婭訂獻吉德涵子衡庭實粹天諸君為袷契然其詩如入邪徑狹巷未達周行較之升堂入室之彦尚遠馬伯循序之許其能取友可謂善於立言然其身後鄉里私謚曰貞孝文子則文采風流雖不及諸君而孝行有足尚者獻吉贈詩云宏詞振宛洛一一中音呂未免阿所好也

土門

蒼蒼土門口日出逢樵叟問爾何事來山中苦無酒

蔣仲

舒云五絕如此一氣者勝

### 送白德明之太原

十載高名專百里舊遊山水入新詩雲中樓閣開王屋  
春水田疇繞晉祠

陳

霆 三首

霆字聲伯德清人弘治壬戌進士刑科給事中  
正德初謫判六安州歷山西提學僉事有水南

集

墨布袍

游提刑抗節不仕

明詩綜卷二十八

八

墨布袍粗且黑心中事背上墨宋時遺黎元版籍寒暑  
晴雨寧暫釋直教蓋棺覆我首領纏我骨死不在閩廣  
生苟依木石安能易彼章與黻俛首躬身福州伯

銀簪詞

沈回奴死節

爺孃養我身從小不出戶銀簪雖掠鬢荆釵未成婦蘆  
港深深孰來此擾擾紅巾照溪水無門別逃避有計深  
拜跼奴願從將軍奴尚真處子辰良日吉禮所重野合  
私從世應鄙紅巾不疑身免辱愛生者衆愛死獨銀簪  
不刺股銀簪不錐目咽喉三寸氣出入此氣一斷難再  
續君不見元運衰海宇析人男子官柱國抱持馬足慌

拜賊頭上朝簪長一尺

潭水清

洪春春死節

儂本村田居無城又無郭賊多孰備禦賊少亦驅掠阿  
爺到新市說有官軍駐官軍快殺賊殺賊賊當懼從爺  
提攜行忍死事遷寓一朝賊四合兵將走不顧東鄰金  
帛盡西舍娥孃去獨存儂身走無及道旁空屋爺教入  
免面始藏伏後臂已持執驅至岸拉上船回思死清水  
勝活污瀆間仙人潭深莫比一生事一口水

明詩綜卷二十九

九

詩話水南博洽著聞留心風教詩不苟作予錄其三篇稍加刪汰墨布袍者宋咸淳進士福建提刑德清游汝魯望所服元初以遺老薦授福州總管固辭不就題袍背云前宋遺民今為百姓雖雨晴寒暑未嘗解脫卒葬果山銀簪詞者德清女子沈回奴際元末兵亂匿蘆港中賊獲之求合從容語曰我閨女也必擇日具禮乃可賊信之攜至營是夜拔頭上簪刺喉死潭水清者歸安女洪春春元至正十八年兵亂父引之避居新市賊至匿空舍中賊入將逼之女投水死三事國史失載因具誌之

孫偉 二首

偉字朝望清江人弘治壬戌進士官至鶴慶知

府有鷺沙集

俞汝成云鷺沙詩有自得之趣而濟以精緻信其可傳

詩話鷺沙詩格蒼老所惜未醇句如花邊釣艇閒依岸菰底潛鱗不避人三日泥穿東郭履六年人住楚江城屠蘇又醉王正月童子不嫌吾舊廬湖底山泉搖鑿出籬邊春雨謀兒鉅大江水漲孤城小遠道天風一鴈稀夜久星河在橋宇天寒鴻鴈叫滄洲屋邊晴雨聞禽識徑裏風泉老竹當具饒骨力

喜雨應吳大參

山下荒畬勢若焚山人望雨戴爐薰夜深初見月離畢  
曉起忽傳江發雲造化驅雷從地出蛟龍卷海上天分

甌汚擬遂明農願敢作爭桑惱使君

留酌彭敬之

清江一月風兼雨那復過從問所親久別那堪經亂日  
相逢還阻看花晨且將決戰東湖略細語躬耕南畝人  
邂逅歸舟莫催急水煙猶帶岸頭津

俞

泰一首

泰字國昌無錫人弘治壬戌進士歷官山東參  
政有芳洲漫興集

題扇寄邊華泉

木葉迎風下孤亭傷水開何時尋舊約載酒過江來

范

嵩一首

明詩經卷二十

十

嵩字邦秀甌寧人弘治壬戌進士累官南京工  
部右侍郎有衢村集

過太平府有感

滿汀芳草夕陽斜長恨春時不在家昨夜月明鄉夢醒  
杜鵑啼上杜鵑花

徐

泰三首

泰字子元海鹽人弘治甲子舉人授桐城教諭  
改蓬州學正遷知光澤縣有玉池臺

賣婦謠

東家賣婦江南去西家賣婦江南去肝腸寸斷兩不知  
涕淚并作河流注哭聲震天天地悲道傍觀者各淚垂

人生不幸遭此時他家食却五歲親生兒

西陵峽歌

兩山夾江如壁立千尋萬尋青鐵色江流如龍山罅來  
動地雷聲喧白日山高不見飛鳥過舉頭青天一尺多  
蒼藤古樹翳滿目沿厓亂石其奈磊砢巉巖何嗚呼峽  
中之險險莫比昔嘗聞之今信矣商人重利却輕生吾  
獨何爲亦來此黃陵廟下不可游空舸塌洞尤堪憂十  
前九却過一險百夫力盡顛厓頭垂堂遠遊古所戒靜  
言思之心膽駭中流欲歌行路難哀後又起寒煙外

枝江道中

水落枝江道風高歲暮天挂帆煙雨裏惆悵入川船

顧鼎臣

一首

明詩綜卷十一

十一

鼎臣字九和崑山人弘治乙丑賜進士第一累  
官少保兼太子太保禮部尚書武英殿大學士  
贈太保謚文康有未齋集

憫雨

丁丑夏六月災變良有由不雨土膏竭萬木焦林丘一  
雨浹旬朔日夜乃不休七月日五六氣候如高秋雨意  
轉蕩瀟勢欲漂燕幽街市潢潦集淺深可方舟汨沒閭  
閻失縱橫盆盞浮薪炭且莫購安辦米與薪哀哉彼窮  
民衣食恃耕疇黍稷方垂花俄頃沉淵湫所存復幾何  
公私尚誅求老羸力不克輾轉壑與溝妻孥互牽抱蓬

垢同繫囚且忍頃刻活未暇來日謀救死及扶傷哭聲  
動城陬雞犬寂不聞但聞叫鶴鷄此變未可輕廣闊被  
數州大都尚若斯僻壤焉能留少壯罷鉏犁行復事戈  
矛細民本蟣蝨反面成虎彪往事足懲創弭變期交修  
我時卧邸舍霑濡到衾裯起坐念蒼生沈瀾涕難收願  
水洩尾閭上通天河流河邊有天孫來夕會牽牛肯以  
下界苦懇與上帝不天聽或在茲蒼生其有瘳

謝 丕 一首

丕字以中餘姚人太傅遷子出嗣叔選弘治乙  
丑賜進士第三除編脩忤劉瑾削籍嘉靖初起  
充日講累官吏部左侍郎

明詩綜卷二十八

十三

行藥歸

徙倚亭欄外何人共此杯春風知我意吹送小舟回

湛若水 二首

若水字元明增城人弘治乙丑進士改庶吉士

授編修歷侍讀陞南國子祭酒禮部侍郎進尚

書改兵部謚文莊有甘泉集

顧奎言云先生詩醒藉  
逸秀得唐人古澹趣

詩話文以載道詩以言志不詭於道勿納於邪可也談理學者必借詩  
爲證道之言若禪家之拈頌說偈者吾不得其解也司馬遷曰古詩  
三千餘篇孔子刪取三百五篇管絃歌以合韶武之音則非獨關離鹿  
鳴文王清廟也凡鄭衛之詩皆合於韶武者也屈子之離騷至欲詒高  
辛之鳳皇留有虞之二妣指玦於湘君湘夫人之下女其爲無禮甚矣  
然志出乎正覽者謂其章尤日月杜子之詩篇至比母后於黎嫫而顯  
斥其明眸皓齒目椒房之戚爲麗人而形容及意態肌膚其亦不遜甚  
矣然志出乎正論者謂其一飯不忘君是說詩者亦觀其志之所存而  
已不必盡出於道德之言也元豐而後理學風熾截然爲二大約多祖  
擊壤言情之作異之勿道如衡花隨柳何害於道程伯淳恐人之議之



撐拄坐令北關外一炬成焦土脅從半吾民如以翼加  
虎元帥乃書生市兒充行伍縱有百萬家竟不能穀弩  
見說賊兵來城門已先杜十室九逃竄止遺甑與釜算  
繆科兵田招兵浴門戶東南財賦區中病在肺腑天子  
怒按劍新命改督府彼倭干天憲凶殘久自沮會見一  
埽平四方盡安堵

崔 銑一首

銑字子鍾安陽人弘治乙丑進士累官南京禮

部右侍郎贈尚書有洄詞穆敬甫云文敏著洄詞人知工文而不知工詩近體豪雋奇古

足與李何方駕

詩話洄詞不載詩篇其見錄於選家亦少予得公手蹟寄張子醇方伯者有上陵下陵諸作錄秋風一首存豹一斑若云與李何方駕則未見

明詩綜卷二十八

其全不敢臆定也

秋風

秋風何蕭蕭夜夜動林莽除畹本種蘭奈此艾蒿長

陸 深 五首

深字子淵上海人弘治乙丑進士改庶吉士授

翰林院編修遷國子司業進祭酒謫延平府同

知陞山西提學副使改浙江歷江西參政四川

布政使召為光祿卿改太常卿兼侍讀學士陞

詹事府詹事卒贈禮部右侍郎謚文裕有儼山

集費子和云陸公詩歌雅而莊婉而諷左遷以後略無感時憤俗之

竟觀其發教應詩云去留俱有適吏隱欲中分此其心豈常有怨尤邪 王元美云陸子淵如入貫官作文語雅步雖自有餘未脫本來面目 陳卧子云子淵氣尚清拔學非深造多輕淺之調

詩話儼山詩其原出於大曆十子平衍帖安如設伊蒲之饌方丈當前  
雖遠癯歷終鮮滋味至其折衷經史鍊習典章其所記載可資國史采  
擇昔朱晦翁譏葉正則知古而不知今陳同甫知今而不知古惟許呂  
伯恭克兼之儼山亦可無媿伯恭矣若夫正書似類尚書行書似李比  
海莫雲卿之論謂風力實出趙吳興之上自董尚書墨蹟盛行而儼山  
遂爲所掩然尚書論書法推爲正宗世有張懷瓘估直未必定取董而  
也

### 武鄉山中晚行

落日下西崦餘光在高樹水流青山中人行白雲處

### 歸塗絕句

日落山煙紫林深暝色寒殷勤問前路今夜宿新安

### 春日雜興

綠楊如綫草如茵紫竹肩輿白氎巾不是爲春禁不得  
老來心緒最憐春

明詩錄卷三十八

五

### 中歲

中歲山林頗有情柳條花萼弄春晴日長無事江門外  
獨立斜陽看水生

### 留別所知

世間好事一百一春日麗辰三月三此地故人還故國  
他時江北望江南

張邦奇

八首

邦奇字常甫鄞縣人弘治乙丑進士累官南京  
兵部尚書贈太子太保謚文定有集

### 感遇

我昔見徵人婉孌容色好貽我瓊玉鉤願言佩終老我

來旣已晚美人逝不返薄帷明月夜使我心悽惋芳蘭  
何萎蕤采之將遺誰感彼嫩人贈銜恩空淚垂

迎春

閉門終日坐不知天地春鴻鈞一以動百物相鮮新憶  
昨凋落時梅李各有仁如今發生氣亦復資細縕達人  
均四海愚者分比鄰嗟予二三友歡會當及辰我有一  
尊酒可以陶吾真

送張君用之鶴慶

燕臺一尊酒送爾滇南行風塵萬餘里極目難為情故  
人倏已散落日玄蟬鳴曾無別離色可以觀平生

送王宜學編修謫官三河驛

明詩綜卷三十一

十一

若華照四海靄靄凝浮陰揮之不可得憂心日欽欽嶺  
南多嘉樹隆冬見青林去去遠垢氛聊以澄煩襟綠衣  
無怨言白華多苦心願子崇明德永言終令音

遊方廣寺簡嚴太史

勝會臻名流奇探極幽藪但覓方廣真不問厓蹊陡越  
險倩松喬躋危病賁黜絕疑天低阮深詫坤厚陰風  
潑地寒清溪挂厓吼燕石晴復飛虯藤凍還走羣峰角  
低昂亂石相牝牡獲勝古所歡行疲君莫咎君看廢寺  
中釜塵僧骨朽朱張獨何人智勇名斯久

祝融峰

危峰踰萬仞衆峰不敢竝到此得大觀超然稱心境捫

星或低頭望日不引領分明見員儀恍忽凌倒景時月  
當坤陰霜林肅而靜我欲回陽春叩此祝融頂

鷹逐鷺圖

我觀羣鳥中除却蒼鷹盡凡羽君不見黃金眸白玉距  
凌空一下急于雨鷺鷺何不早竄伏到此驚奔向何許  
憶昔在林皋翻飛矜羽毛羽毛雖好不中用憑君識取  
真英豪

送王石沙侍御按閩

金門冠蓋下晴曛一騎青驄萬里雲明到閩山正秋色  
玉簫吹向武夷君

徐縉 三首

明詩錄卷十人

七

縉字子容吳縣人弘治乙丑進士歷官吏部左  
侍郎兼翰林侍講學士謚文敏有集

詩話文敏與獻吉仲默昌穀俱誼攬環結  
綬之好詩雖平衍較王錦夫益望之似勝

送徐昌穀使湖南 二首

鴻鴈惜離羣嗷嗷鳴不已如何平生親奄忽去千里懷  
哉可奈何王事有端委城南走相送意逐東流水駕言  
度前岡迤邐歷河溪道路阻且長嚴程自茲始贈子以  
瓊瑤酬我一端綺

昔與子北征嚴霜拂貂裘今子遽行邁春水浮蘭舟永  
懷會晤好重此離別愁出門望千里楊柳條已抽想見  
歲月積回首瀟湘秋遙窺九疑山近賦黃鶴樓嗟嗟哉滯

一方安能從子游

感遇

朝旦別燕京景落憩吳船揚舠發潞渚伐鼓信洄沿芳  
蘭已衰歇歸鳥紛飛旋颺颺風揚沙皚皚水塞川黃雲  
結四野白霧縈三邊顧瞻望城闕參差御飛軒撫化心  
愴惻覽物淚潺湲行行指舊山稅駕從所便

周廣一首

廣字充之崑山人弘治乙丑進士以監察御史  
劾錢寧貶懷遠驛丞移知建昌再謫竹寨驛丞  
寧誅復官任至南京刑部右侍郎贈右都御史  
有玉巖集

明詩錄卷二十八

二十八

遺辰州張尹

江口風逾急孤舟日已西多情山上月相送過辰溪

黃鞏七首

鞏字伯固莆田人弘治乙丑進士官大理寺丞  
天啓初追贈少卿謚忠裕有後峰集

林雨可云先生  
詩直而多思澹  
然而自

山中吟

春山澹無姿春雲濕將雨隔林有人家知是雲深處雲  
深山徑微欲往疑無路不如山中人只在山中住

襄陽即事

斷岸移沙背江城倚漢濱山光餘照日花豔近逢春勝

地登臨遍東風感慨新不知耆舊傳更有姓龐人

冬日書懷

獨立蒼茫裏悠悠一轉蓬風塵連歲儉湖海又塗窮野  
曠飛鷺急沙寒落鴈空思君何處所斜日下簾櫳

謁穎考叔墓

封人千載後坏土覆孤墳天下誰無母如公亦愛君黃  
泉歌大隧白谷翳寒雲曠世予心感西風日又曛

閔子祠

青山環故冢古木護朱闌師友諸科最親闈一子寒里  
名今不改廟貌久猶完茆土雖封費終非季氏官

偶成

明詩歸卷三十一

十九

三十功名四十歸山林已自落塵機罪當萬里投荒服  
思許終身作布衣雨宿風餐歸路棘東封西祝諫書稀  
扁舟不道江湖遠回首燕雲是帝畿

芋園發舟

西風又作扁舟客沽酒沙頭對夕暉岸轉青山背人去  
江空獨鳥向人飛十年塵迹今衰鬢九月嚴霜尚袂衣  
望極紫宸天萬里未容回首戀柴扉

孟洋三首

洋字望之信陽人弘治乙丑進士除行人選爲  
御史坐論張桂下詔獄謫桂林教授遷知汶上  
縣再遷嘉興府同知陞湖廣僉事引疾歸旋起

山東僉事進參議轉陝西參政拜僉都御史巡撫寧夏改理河道終南京大理寺卿有有涯集

杜子材云望之標格氣骨頗有短處 王元美云孟望之如貧措大買酒寒酸澹泊然不置醜醜 穆敬甫云孟詩送氣起羣橫不可制與仲默同生一區足稱二美 顧玄言云大理詞雅詞綺高響奇絕仿佛天台石梁羅浮水簾 黃清甫云洋詩善敘事長歌宛轉相屬而意不竭但少

道耳

詩話左孝廉舜齋獻吉外弟也孟大理望之仲默外弟也左詩近膚孟詩大淺比於郎伯遵若雲淵

### 贈朱生

與子別離時乃在離水陽離水東西流往櫂無回檣還顧桂山隈城闕鬱相望修衢帶廣陌車馬如雲翔子居貧士里散帙空盈牀歲久塗路仄思心阻且長一朝時運會奮飛游帝鄉戢翼復南旋問我來建康驚喜如夢寐顏色各已蒼衷情未云極話言詎能詳行行度湘川采掇多蘭芳無以遐遠故聊寄莫相忘

明詩錄卷二十八

辛

### 九日次邊青厓太常韻

落帽憐高興銜杯意轉哀葉辭霜後樹人上雨中臺為客悲秋盡思鄉見鴈來百年幾佳節又負菊花開

### 荅高大和侍御寄書

舟過衡陽鴈已疎經年那得故人書一封忽漫來何處千里殷勤問謫居海上青驄遙羨汝湘南芳草正愁予清秋直北朝星斗回首雲山萬疊餘

### 殷雲霄

七首

雲霄字近夫壽張人弘治乙丑進士授靖江知

縣調青田陞南京工科給事中有瀛洲芝田二

集

朱中立云石川詩得初唐體裁海嶽之奇氣也 王元美云殷近夫如越兵縱橫江淮間終不成霸 穆敬甫云殷君與太白山人

多倡和宜其風度似之 俞汝成云石川氣逸才雄思奇語勁騷壇一

勁敵也 顧玄吉云給事青溪時髦才情邁麗 李時達云近夫豪雋逸宕不羈之才 錢受之云近夫

詩體偏側略近繼之而風調不及

詩話近夫如傳寫手欲開生面而伸采未

自然風格自存終不作鋪者苦眼求似

感遇

孤鳥失其林日暮鳴且飛風枝棲未定搖搖將安歸中  
洲有芳草慘澹少光輝舟楫蕩流波根株苦無依悲此  
遠征人三代故鄉違萬里長塗間安知身是非東海有  
釣綸西山可采薇悠悠迷方子誰能識其幾

長店

明詩綜卷二十八

主

大風揚塵沙白日昏林丘前途浩莫辨聊此停吾舟崇  
岡蹲狐狸高樹鳴鸚鵡我欲驅之去惜哉無弓矛鸞虞  
嗟已矣此輩今何求

夜登定山

朝泛桐江水夜躡定山石延蘿踞虎豹噓波動潮汐俯  
闕馮夷宮疑入羽人宅林靜江有聲雲昏岸無迹懷哉  
坐哀聽戚矣闕遠覲風勢依峰峻月色連江白飛鴻鳴  
遠浦潛蛟舞深澤飄飄千里舟脈脈獨遊客乘桴嗟有  
志棲巖悲失策薄宦竟何有幽期誰與適覺迷道有獲  
含欲情無逆眷言詠白駒聊以慰今夕

宿江陰得太初書

侵晨發毘陵薄暮及江陰積雪明高原歸鳥喧前林孤舟風雨夕大江雲霧深遙遙越鄉感脈脈游子心美人隔江浦寤語安可尋情至物有合離析領瑤音愛賞欣自古慕羣悲獨吟寄言狂歌客一尊待吾斟

虎丘寺

落日青山外浮雲滄海邊江山皆勝迹樓閣自人天碧草生公塔丹厓陸羽泉平生獨往志欲老翠微顛

杜楊劉三君子攜酒過官舍次杜韻

縣齋微雨過蒼苔越客芳尊向晚開池畔好風驅暑去松間明月逐人來三年戎馬身無定千里鄉書鴈未回痛飲狂歌聊復爾不堪愁病兩相催

漫興

明詩綜卷二十八

七

二月澄江春水深北孤山頭雲陰陰北孤山頭雲作雨我欲渡江愁我心

倪宗正

二首

宗正字本端餘姚人弘治乙丑進士選庶吉士出知太倉州入副武選諫南巡受杖知南雄府

有小野集

題網魚圖

白白江波紅尾魚蒲花初發柳花疎江洲日暮忘歸去江魚上網不知數風雨欲來猶不來  
爲顧新山題画用思道韻

久住水東溪欲往水西去一夜春草生溪路無尋處

孫泰一首

泰字時寅歸安人弘治乙丑進士官刑部郎出  
知成都府改充州有龍溪藏橐

詩話龍溪守充日康陵南巡中涓苛索供億請以身充役時同里蔣公  
瑤守揚州衛民甚力扈從貴人相識謂湖州人難犯及龍溪卒檢視儀  
中僅圖書數卷衣數襲而已蔣公廉節略同  
今兩家子姓氏微已甚信夫廉吏不可為也

西江道中

九月菰蒲色尚青芙蓉深淺漾沙汀一行新鴈從天落  
我欲圖歸作画屏

索承學一首

承學字遜夫邳州人弘治乙丑進士戶部郎中

明詩綜卷十

重

有桐岡集

西樓晚眺

在家無事不勞生暫倚危樓看夕晴雲裏樹含山外寺  
渡頭人語水邊城荒村茅屋秋砧早野店漁家晚炊明  
吟罷新詩還自和西風吹落塞鴻聲

安磐一首

磐字公石嘉定州人弘治乙丑進士改庶吉士  
授兵科給事中進都給事中議大禮被笞免官

萬曆初追贈太常少卿有頤山集

詩話公石集句最工惜所著頤山集詩話罕傳楊用修述其論詩之旨  
云唐之名家自立機軸譬猶筆花各有丰韻乃或剪綵以像生或繪圖  
而仿影終非真也又云論詩如品花木牡丹芍藥下逮苦楝刺桐  
皆有天然一種風韻今之學杜者紙牡丹芍藥爾其說足以解頤

題画

百里同雲雪滿蓬  
冥冥那復計西東  
輕舟不畏邪溪水  
朝定南風暮北風

張

寬 二首

寬字德宏太倉州人弘治乙丑進士廣東按察

僉事

周復俊云張公不以詩名而標韻自述

大駕南郊

行殿彤雲合晴郊  
綵仗攢鑪煙香細  
細羽扇影團團禮  
樂從周典威儀盛  
漢官帝壇風露肅  
轉慮聖躬寒

早朝

曉日含青陸疎鐘散  
紫煙聞雞頻視夜  
騎馬獨朝天馳

明詩綜卷二十八

十四

道千官肅梯航萬國先  
御爐香不斷長繞翠華邊

周

宣 一首

宣字彥通莆田人弘治乙丑進士除常德推官

擢監察御史巡按山西諫南巡不死後出為山

西提學副使遷廣東按察使坐事免有秋齋集

聚書樓

樓外長河練帶斜  
河頭水氣欲蒸霞  
誰家艇子捕魚過  
衝落小桃一樹花

林文纘

一首

文纘字德緒侯官人弘治乙丑進士歷官湖廣

布政司參議有漱芳集

再入計

冒寒發江郭隨衆述所職驅車策駑馬夙夜不遑息行  
山歷峻陔遡川履深澤昔來楓葉青今往霜林赤郡縣  
本舊游轉盼非疇昔新知多遷除故吏半更易惆悵時  
物移銅符猶未釋服役職所任詎歎如蓬跡耿耿抱微  
誠天顏期再覲

田登二首

登字有年長安人弘治乙丑進士河南參政有  
偶山集

明妃曲

明妃遠嫁靜邊塵一曲琵琶萬里身惆悵西風千古恨

明詩歸卷十一

三五

封侯談笑是何人

巴東峽

晚泊孤舟春水生遠灘雙櫂片帆輕消魂一覺鄉心夢  
卧聽四山風雨聲

方獻夫一首

獻夫初名獻科字叔賢南海人弘治乙丑進士  
改庶吉士累官少保兼太子太保吏部尚書武  
英殿大學士贈太保謚文襄有西樵遺橐

閒居和杜子美韻

問徑隨春草支筇入午雲歸來陶靖節多病沈休文花  
氣單衣稱松陰小簞分悠然天地別白日絕塵紛

嚴 嵩 十六首

嵩字惟中分宜人弘治乙丑進士改庶吉士授  
編修累官禮部尚書少師武英殿大學士有鈴

山堂集

張文邦云少師詩中典則其聲鬱律而不挑其出恬澹而

孟襄陽伯仲之間

唐虞佐云空峒子評介谿詩思冲遠闊遠在

詩曰達達者其辭和淡者其辭平和平之音其於古作者庶幾矣劉

介夫云鈴山集詩宜志理情和聲昭則泯泯乎魏晉遺音 崔子鍾云

惟中詩清婉而綺不浮其質 孫鷺沙云鈴山格致高古韻度深遠屬

辭景中游情言外無近時膚脆之習而氣機員轉精采華妙往往自見

於絕法之外 楊用修云介谿春容大篇兼瘦輕俗不入其胸次 皇

甫子循云少師詩達而和澹而平明潤而婉潔 穆敬甫云嚴詩清奇

圓聲律家所不廢 顧玄言云相若多秀句大率多類錢劉 錢受之

庸狠都無可稱王元美為即時讓許其詩以為不能復唱渭城者也

頗為雅贍特東漢骨清峭應制諸篇

可怪也然分宜通籍即見知於獻吉仲默旋請假還里讀書鈴山者七

年獻吉遠訪之山中作鈴山堂歌以贈於時子衡華玉廷實子鍾允寧

應德輩交相引譽又走使萬里索用修點定其詩可稱好筆矣其為友

人贈答詩云自非肉食相誠拙安所宜又云故園多所歡薄宦何為者

贈相士顏生云本無蔡澤軀肥念不向唐生更問年一似恬澹自持無

意榮利者迨爰立之後驕縱貪黷忽懷惶淫失其本心觸以致敗某年

自序詩集云晚登政塗百責身空回憶舊業如弁尾然觸以縱筆率爾

應酬不能求工亦不暇求工也對應德亦云少於詩務鍛鍊細細求合

古調今則率吾意而為之耳分宜能知某年詩格之壞而不自知立身

之敗裂而應德翻謂不煩繩削而合若湛元明一序讀之尤令人張目不

欺予而應德謂不煩繩削而合若湛元明一序讀之尤令人張目不

意講學者貢諛乃若是王元美樂府變云

孔雀雖有毒不能掩文章殆平情之論乎

贈友

北風吹層波高帆疾於馬矯首望雲山日夕到鄉舍親

友慰遠歸春杯正堪把故園多所歡薄宦何為者

阻雨不得登蟠龍

溪上風雨來颺颺篁竹亂油雲翳層峰對面隔霄漢鳥

鳴詩綜卷二十八

云云

道紆百盤龍門在天半佳期恨緬邈寒望增淒斷下馬  
憩林居一顧屢長歎自無飛仙術安得凌絕觀

常甫憲副欽之翰檢與予先後登嶽欽之獨值雨

同賦

祠謁朝景暉峰登雲物變今朝山中容零雨罷聲平登踐

林深厓路窄幽賞不可遍磴滑危難步谷暗近莫辨玄

山號靈幻頃刻殊隱見叨余上晴巒萬狀悉輸獻曠乏

搞毫賦琢句被厓薛君侯擅風騷胷中富溪壑佳辭出

天巧不復勞洗鍊巖巒閱輝彩草樹迷蔥蒨豈被山靈

妒或遭造物謹竝觀欣茲奇獨往惜已殿期君嗣芒屐

言保筋力健

金山

明詩錄卷二八

三

寺擁金山古江流碧海深千年此形勝詞客幾登臨波  
浪浮香閣魚龍聽梵音晨風渡舟楫真有濟川心

西陵觀月

萬古秋天月西陵午夜看影流蒼柏罅光滿碧雲端節  
序逢搖落山河對鬱盤憑高瞻玉宇正憶鳳樓寒

冬閏和李宮諭

歲閏移陰律寒深值晚冬市飈連九陌樓雪俯千墉宮  
醞閒能醉鄉書病懶封虛慙殿門籍寂寞卧高春

崔子謝病還懷寄

相送出郊寺獨歸愁郭門春城涉遠道朝雨戀芳樽幽

夢時或到素心誰共論若為經濟略歸卧水雲村  
過彭城

十月彭城水臨觀勢渺漫客帆牽樹杪日夕畏風湍汗  
泗流爭長魚龍卧未安無人守茅屋寂寞倚江干  
發宜春風雨枉諸公出餞別後懷寄

出郭衆峰暝蕭蕭風樹鳴嶺危攀磴上橋斷涉溪行四  
牡勤王事三湘問楚程郡齋山霧裏回望渺層城

盧溪謁周元公祠

古鎮無監稅高賢有奉祠位卑名德重世遠士民思風  
月盧溪迴衣冠宋代遺停驂肅瞻拜敢惜去程遲

石期驛逢李明府

清苦東安令心期得共論官看銅綬貴貧惜布袍温野  
樹依巒嶂春江對驛門天涯一攜手風雨送離樽

謁孝陵

社稷戎衣定梯航玉帛朝睹河功戴禹瞻廟祀宗堯石  
馬嘶空翠金燈照寂寥遙看鍾阜上御氣滿層霄

同徐郡侯登浚渠亭

渠在郡城西唐刺史李將順所鑿民賴其利目為李渠久湮徐浚之築亭其上倚有

祠龍

徐侯亭子李侯渠水石新呈宿莽餘秋淨野田聞鸛語  
雲深仙洞隱龍居驅馳暫駐三湘節登賦初陪五馬車  
此日佳遊習池共他年故事峴山如

山塘

山塘深且廣，邈迤抱山麓。  
隔浦見人家，依依桑柘綠。  
出仰山

鐘聲在山間，客子出山去。  
細雨濕春衣，新寒入高樹。

送顧使君華玉赴全州

吳客孤帆楚水涯，碧雲千里度長沙。  
湘山獨夜看明月，莫聽猿聲便憶家。

明詩綜卷二十八

明詩綜卷二十八

五九

明詩綜卷二十九

小長蘆 朱彝尊 錄

雪苑 宋 至 緝評

李夢陽 八十首

夢陽字天賜更字獻吉慶陽人徙扶溝弘治癸丑進士授戶部主事轉員外郎應詔陳言彈壽寧侯張鶴齡繫錦衣獄旋釋之進郎中代尚書韓文草奏劾劉瑾坐姦黨致仕一云降山西布政司經歷復逮繫得釋起江西提學副使恃氣陵鑠臺長許奏罷官寧庶人既誅坐為庶人撰陽春書院記獄辭連及尚書林俊力持之得免卒後弟子私謚文毅天啓

明詩綜卷二十九

初追謚景文有空同子集

何仲默云詩必以盛唐為尚宋人似蒼老而實疎鹵元人似秀

峻而實淺俗僕詩不免元習而空同諸作開入於宋譬之於樂絲竹之音要眇木革之音殺直若獨取殺直而并棄要眇之音何以感情飾聽也試觀江西以後之作辭艱者竟反近意苦者辭反常讀之如搖鞞鏗耳 崔子鍾云空同慨然興復古之思自唐以後無師焉 顧華玉云獻吉詩卓爾不羣或失則猶矯枉之偏不得不然又云空同言作詩必須學杜詩至於杜如至員不能加規至方不能加矩亦在規矩中耳何得就以于美也夫規矩方員之至故匠者皆用之杜亦在規矩中耳何得就以于美為規矩邪 王子衡云獻吉游精於秦漢劉正於六朝以柔澹為上乘以沉著為三昧以雄渾為神樞以蘊藉為堂奧會往古之典用成一  
家之言巨者日融小者星列長者江流闊者海受洋燿燿無所不極後有知言之選歎賞不暇尚安能為之揚抑哉 徐子容云空同子鍾眾體兼長渾厚沉着格高調古尤工七言古歌離閣縱橫人不能逮者獨兼寫曲盡雄健可喜即錯置行中莫能辨也 黃鈔之云空同先生靈蛇早握天地獨運黃鍾特奏白雪孤揚主張風雅詭詣堂室樂府古詩駢淫漢魏而覽眺諳篇通類康樂近體歌行步陳太白往招可凌後拒難繼明以一人而已 陳約之云弘治中文教大起學士輩出力振古風盡削凡調一變而為杜則李何為之倡楊用脩云弘治間文明中天古學煥日藝苑則李懷麓張澹洲為赤幟而和者多失於流易山林則陳白沙莊定山稱白者而識者皆以為劊門至李何二子一出變而學杜壯乎偉矣又云空同以復古鳴弘德開觀

其樂府幽秀古豔有鏡歌童語之風其古詩綠情綺靡有徐夔類謝之韻而人但稱其律詩予謂空同之可傳者不在律空同之律少陵之餘韻遺跡耳任子海云獻吉詩如娟皇鍊石補天奔走至靈雷電日月星辰悉驅爐冶徐子元云本朝詩莫盛國初莫衰宣正至弘治中西涯倡之空同大復繼之自是作者森起雖格調不同於今為烈又云空同崑高之秀上薄青冥龍門之派一瀉千里穆敬國初詩是元如楊鐵崖解大紳成化間是宋如陳白沙莊定山至弘德來駁駁乎盛唐矣如何大復李空同皇甫子循李若采詩俊逸具襟何大復龐蒙不解李空同夫大復未足於俊逸空同不全於龐蒙也王九寧云空同有神交無方之用有精純不雜之體縱橫奇正不一其裁粹美同也珩珞璜璫弗一其形溫柔同也至倒插頓挫之法自少陵善用之後空同一人而已學者未覩其大漫肆詆詘以空同括古市美比之割據嗚呼空同賦才神解能自作古假令與李杜二豪並生當代不為李杜為杜矣徐伯臣云獻吉力持氣格濟以肥豔可謂雅道中興惜其和平之氣未沉官宣澤則日光玉潔淨時徐生虎視於荆吳邊丞蛟躍於齊魯振羽沉官宣澤則日光玉潔淨時徐生虎視於荆吳邊丞蛟躍於齊魯何子揚瀾於河洛而若騰踔踴躡總純包容所謂無不可者也周允大云獻吉仲興一代絕倡邈焉寡儔莫子良云近世譚豔之士獨稱空同大復一家至曰廣長數千里上下數千年始得二人其見慕如此豈不以二子詩遠追蹤於少陵視三篇篇指義特近哉何元朗云楊東里李西涯詩猶浴元人之習至空同出遂極力振起之仲點廷

明詩綜卷下九

寶昌發諸人相與附和而古風遍域中矣王元美云李獻吉如金翅雙風骨道利天授既奇師法復古手闢草昧為一代詞人之冠要其所詣亦可略陳騷賦上擬屈宋下及六朝根委有餘精思未及擬樂府自魏而後有溫真者然不如自健作顏光祿耳七言歌行縱橫如意開闔有第比謝靈運是初日芙蓉健作顏光祿耳七言歌行縱橫如意開闔有法最為合作五律及五七言絕時詣妙境七言律渾淪莫麗深於少陵抵掌捧心不能厭服眾志又云成弘之際頗有俊民稍見一斑號為巨璧然轍不及古中道便止搜不入深遇境隨翻北地矯之信陽號起昌毅上翼廷實下毗散古吟自建安校華止於三謝長歌取裁李杜近體繼軌開元一掃叔季之風遂窺正始之塗天地再開日月為朝詎不美哉又云國朝習杜數家華容孫宜得杜肉臨濟謝棟得杜貌華州王維橫得杜一支閩中鄭善夫得杜骨就其所得亦近似耳惟夢陽具體而微又云油洪并纖與苒苒並吞推獻吉然不能諱其澤吳明卿云空同詩縱橫跌宕搖五岳而凌滄洲胡元瑞云李獻吉手擘盛唐之派可謂達磨西來獨闢禪教又如曹漢章錫禹畝飯也陸羽古云成弘以降北地信陽諸君子出軌牛耳以凌厲詩壇宇內譚藝之士率嚮往之然蒼素混質音亂雅拙摹擬攪動襲其近似者以為名往往炫客澤而乏神理程之於古無當也黃清甫云昔陳思總東京之閨謝實由於茲厥功邈矣其詩專意上摹近遺故斬斷自漢魏迄於少陵少陵以下薄不經目故能近謝靡曼遠標道舉一篇一誠咸有所屬無論

堂堂直將並驅秦雄之氣矯然千仞之上如時東屠沽奮跡往英雄傷  
斗然一峰上不信萬山開中宵見海日南斗豁天門斯並純任骨力振  
絕鈞華故能獨挽頽波屹爲文柱故嘗之才難與處始王百穀云明  
興以來作者絕少逮乎正統以後則益猥弱雖瑣無足采觀李若峴起  
關隴蛟騰虎視力挽七朝之廢古必漢魏律必盛唐一時海岳英靈之  
士翕然趨之風雅之學亦遂復振乎獨惜其謂高而意直才大而情深  
體正而意庸力有餘而巧不足也何則矯枉太過和平不及摹仿刻深  
陶鎔未暇此猶戰國贏秦之後繼以炎劉方其持寶鐔白蛇除項章  
削苛政其功非不快也然問其詩書則陸生簡矣禮樂則叔孫通爾矣  
此李若之詩撥亂反正之力多粉飾太平之事少所謂可異創造難與  
守成者也馮元成云空同雄渾悲壯深於少陵宇宙間異絕代罕兩馮開  
之云空同深嗜而冥契者杜陵故得其神理而面目隨之江進之云  
空同于騁世謂其有復古之力然二公固有復古之力亦有泥古之病  
彼謂文非秦漢不讀詩非漢魏六朝盛唐不看故事凡出漢以下者皆  
不宜引用噫何其所見之隘也夫詩人所引之物皆在目前各篇其時  
不相假借如雞鳴金斯桑雀鹿鳴蟋蟀水蜜桃菜首芻蕘是三百篇所用  
之物也降而爲雜駢則用並蕙桑菴木蘭菊英蛟龍鳳皇文蚨赤螭曾  
乳燕鳴鴉羣鴉獨鶴曾有一物假借於毛詩乎又降而爲唐人詩則用江梅岸柳關草林花  
到筆隨自不暇舍見在者而他求耳至於引用故事則凡已往之事與  
我意思互相發明者皆可引用不勿今古不論久近乃曰漢以上故事

明詩綜卷二十九

方用此特有見於漢家故事字眼古雅遂爲此言其實繫用之善不善  
非繫於古不古也錢受之云獻吉生休明之代負雄鷲之三謝合體謂  
漢後無文唐後無詩以復古自命其言曰古詩以漢魏爲三謝合體謂  
初盛唐必杜舍是無詩焉率模擬剽賊於聲音句字之間如嬰兒之  
學語字則字句則句篇則篇不能吐其心之所有古人固如是乎  
天地之運會人世之景物生相續而必曰漢後無文唐後無詩立教  
不讀唐以後書此何說也陳卧子云獻吉志意高邁才氣沉雄有龍  
單羣俊之懷其詩漢魏以至開元各體俱長然嗚嗚清壯不掩本色其  
原蓋出於秦風曹繁躬云獻吉雖產於秦其父正教授封丘遠徙李  
何皆中州人矣李王後起以中原二子自居王稱李云云龍自起中原  
因李稱王云高卧中原堪有客又云足知上國羣公詩猶作中原二子  
看蓋隱然自比於李何也孫豹人云先生五言古詩本於陸謝句中  
皆有筋骨七古能以紀事兼諷諷誦之風激烈五律意象俱妙七律  
高亮開入於宋絕句信手拈來調絕今古俞石吉云獻吉五言古詩  
康樂以後一人七言近體少陵以後一人七言絕句太白以後一人惟  
五言近體少遠前賢頗有才多之恨然如江從樹裏斷山入雨中無籠  
樹迷關道吳山蔽驛樓揚鞭指河洛立馬說周秦楚越箇中地江山戰  
後容風雲餘霸氣吳楚混前朝塞口孤城斷峰腰細湖分兩林疎山盡出  
風順檣齊開暮雨津城樹春帆水國樓江山百戰後登眺雨人初爽氣  
固殊倫也

靜志居詩話成弘間詩道傾落雜而多端臺閣諸公白草黃茅紛蕪靡莫其可披沙而揀金者李文正楊文舉也理學諸公擊壤打油筋斗樣子其可識曲而聽真者陳白沙也北地一呼豪傑四應信陽角之迪功荷之律以高廷禮詩品浚川華泉東橋等爲之羽翼夢澤西原等爲之接武正變則有少谷太初俯流則有子畏霞蔚雲蒸忽焉不繼嗚呼感哉獻吉五古源本陳王謝客初不以杜爲師所云杜體者乃其摹仿耳作中多生吞語偶附集中非得意詩也至效盧駱張王諸體特游戲耳惟七古及近體專仿少陵七絕則學供奉蓋多師以爲師者其謂唐以後書不必讀唐以後事不必使此英雄欺人之言如江湖陸務觀司馬今年相宋朝秦相何緣怨岳飛等句非唐以後事乎

### 河之水歌

二章 有序

河之水歌李子爲其子作也以子追不及

河之水流濺濺望父不見立河干

河水流流舟子搖櫓東方漸明我不得渡

### 招隱山辭

三章

山之桂青青秋風綠葉冬不零王孫幾時歸山空蕙草

明詩綜卷三十九

四

摧

山之草萋萋春花發桃源迷子規啼竹陰日暮愁人

心

秋之夕螢飛山風霜露露人衣洞門翳寒蘿奈絃華髮

何

### 左袒行

陵曰不可平曰可安劉者誰勃與我寄不信祿不入軍

左袒計安出

朱近修云此仿西澁樂府而作

### 車遙遙

車遙遙遙復邁邁望見秋塵起不見車輪轉知在秋

塵裏

鴈門太守行

鴈門太守汝何人治邦三月稱明神我有牛羊賊不來  
掠我有禾黍人不敢割昔我無衣今有袴著我思禮拜  
太守太守不見憐但聞太守身姓邊紫髯廣額聳兩顛  
太守出門四牡駢駢後擁阜蓋前導兩麾行者盡辟易  
居者不敢窺苟問太守何所之云訪城南皇甫規

楊州修云神似

古樂府魏晉以下絕無僅有

內教場歌

雕弓豹韃騎白馬大明門前馬不下徑入內伐鼓大同  
邪宣府邪將軍者許邪

一解武臣不習武奈彼四夷西內

樹旗皇介夜馳鳴礮烈火嗟嗟辛苦

一解

明詩綜卷二十九

五

轅駒歌

世徑互險夷富貴安所需昔爲櫪中駿今爲轅下駒白  
日仰悲鳴青雲立踟躕未蒙主人顧何繇效馳驅朝思  
碣石津夕睇流沙隅常恐侶凡蹇棄捐中路衢

雜詩 二首

西國有佳人獨立青雲端容豔若桃李左右佩芳蘭含  
思理玉琴泠泠一何閑更節有餘悲曲終再三歎借問  
歎者誰中意難自宣沉吟攬衣帶仰視鳴鶴翻思阻望  
不申何況隔丘山

枕榱蝕以傾梁棟誠獨難流言播四國周公疑惠涼  
颺激頽景奄忽不可攀衆羽日續紘朱鳥戢其翰殺身

苟無益去去從所安傷哉式微詩千載起余歎

發京師二首

驅車彰義門遙望郭西樹冠蓋耀青雲車馬夾廣路威風何赫奕各蒙五侯顧回飈動地起白日倏已暮棄擲委蔓草榮華若朝露亮無金石交人生豈常故締綵足禦冬誰念紬與素愾彼白華篇氣結不能想

薦蘿附松柏枝葉固相因行子戀儔匹况遇同鄉親北風起河梁日暮多飛塵攜手同車歸駕言西適秦道遠長渴飢客子懷苦辛仰瞻天漢流夜永不得晨駝馬嬉其曹鳴鴈各求羣明星出東方照見車下人夙興即往道登彼高路津還顧望京邑愴焉何所陳

明詩綜卷二十九

六

衛上別王子

晨風應候至雞鳴各嚴車我今游宋中子當旋舊閭僕夫理前綏轅馬悲鳴趨一別阻秦周相望萬里餘首春霜露重厚汝征衣襦昔為同袍士今在天一隅故者日以遠疇能察區區

贈徐禎卿

獨處忽不懌攬衣循東廂樹木何修修春風起飄揚我友駕在門告言適江湘倉皇挈玉壺追送臨河陽顧瞻兩飛鳧竝戲水中央翩翩厲羽翻鳴聲一何長奈何游客子一別永相望時澤亮有周天命固其常薄終義所劣別離庸詎傷懿彼回路贈慷慨申此章

贈劉氏

矯矯雲中鵠忽忽晨南翔連翩客游子駕言逝何方  
霜露日夜零東路悠且長意欲從子逝我馬玄以黃徒思  
諒無益欲置難遽忘愛子千金軀雙親在高堂

時命篇

代馬不戀越荆禽豈巢燕鸚鵡渡汶水君子憂未然奈  
何客游子率爾辭故山行獸顧丘林出雲有歸還交交  
聲利塗軒車日駢闐誰念牛下人悲歌夜中歎豪門有  
棄襦我衣恒不完張儀懼諸侯泄柳乃閉關貧賤豈盡  
愚時命當自安

述憤

二首

明詩綜卷二十九

七

小草生枯桑芊芊競芳辰雖云殊本根寄託各有因自  
我罹幽囚忽焉經浹旬我兄千里餘渺渺長河津妻子  
日望子蒼蒼隔西鄰所幸二三友笑言越昏晨宵鐙促  
燕膝昵語忘苦辛患難苟相得毋論骨肉親  
明月出東方徒行反家室室人走相訊問我何由出明  
知非夢寐欲辯仍自失喜極雙涕零轉面各銜恤垂鐙  
照緗卷浮埃滿朱瑟愁言卒未傾忽復見晨日

雜詩

宛宛春田鳩飛鳴柔且閒一朝化為鷹肅肅厲羽翰衆  
禽不敢竝孤立秋雲端鳥旣不自知人胡究其然

子懷百門山水尚矣頗有移家之志交春氣熙忻

焉獨往述情遣抱示同好數子

浮海傷固窮逾河歎誠邁濯纓萬里流高視九州外功  
成奔運徂氣至流颺代淒淒秋柯零冉冉春條媚周覽  
倦河孺孤悰冀巖瀨道以沉寂超賞與崇深會豈惟肆  
遠情亦因謝塵籟幸想山中人風吹女蘿帶折麻凌險  
岬采秀越森蒼眷彌志終申獨往竟誰礙葦葦太行峰  
萋萋百門對抗手別故懽乘雲弄煙瀼

自大過渡河趨陂沙岡

凌春遠行邁游目恣沿越漸辨林中曙遽失霞上月觸  
物誰爲情悲歎曷可歇載登隋疆場况眺宋城關陽坡  
散初柳陰曲峙寒雪只此判氣候豈必殊燕粵潛潛濁  
河駛晏晏晨風發揚帆截驚瀨倚櫂望窮髮鳧鴈眇難  
即汀蘭翠堪纈美人旣莫期天路復幽絕陂岡鬱參錯  
岸沙皓明滅日暮孤雲興何以慰忡悒

陽武詠懷陳平張蒼遂及博浪之事

玉璽戒不力金鏡淪無光大人旣龍興烈夫亦鷹揚伊  
人各乘時矯若孤雲翔韓椎豈在屢秦氣日以喪六奇  
佐揮戈五運開靈昌時來屠沽奮跡往英雄傷平生冀  
風期况乃逾故疆灑淚越修坳含淒遡河梁古墳密嶢  
嶢春沙鬱茫茫徒瞻松柏路詎甲椒蕙芳遺禁竟何尤  
任智終自戕羨彼赤松遊援筆即此章

覽遊百泉乃遂登麓眺望

束髮懷幽奇覽籍冀有遇來登百門泉果協佳勝趣忘  
必員波踊藹藹浮陽聚止坎淳泓洌激石迅湍注昔聞  
滄浪濯今解川上喻豈惟傷衛歌兼以發蒙慮况值春  
序中羣物已改故菰蒲冒清深鱗介各有慕行羨浴渚  
鳥靜對棲雲鷺巖扉空潭影林藹變朝暮極目北上帆  
朝宗感游寓

德安趨潯陽

始征晨風息雲流日色展登陸艱且澀厲澗一何緬維  
時仲秋交颺颺林颺卷綠竹垂我車丹花映行幃冒巒  
維有松繡石盡成蘚攀攀雖多悅亘頓乃勞倦日中迫  
廬岳蹊徑愈回蹇雲湧連遙嶠雨暗失近巘奔崩萬壑

明詩綜卷二十九

九

會嶮絕一徑轉遽訝川梁沒幸過石瀨淺道以習坎利  
用待旣濟顯介石諒益固巨川豈遂眩誰哉能豫謀隨  
寓斯可遣

白鹿洞徧覽名跡

情高忽凌厲步健輕巉緬葛弱亦須捫厓滑每獨踐涉  
清愛重屢探阻遺驚眩始茲陟五峰遂憩松下巘巖桂  
紛始華石耳翠可卷追想白鹿跡伊人竟何遣觸端緒  
自縈薜荔况在眼慨歎意莫置顧望日已晚夕湖浴岑  
峭流光滅蘭坂命酒寫幽獨鳴琴且游衍

始至白鹿洞

曠哉超世志緬邈平生思鬱壹眷名跡久注匡山陞南

涉枉嘉命果諧風所期仲秋巖壑清宮館復在茲白石  
激寒湍巖蘿裊空基黯傷逝者往密慚來者追性同道  
豈隔塗異理空悲興言懷昔賢日竟眺前岐榛荒徒鬱  
紆林掩一何采感情匪哀歎聊詠昭言垂

赴懷王山作

始臨清溪寺不謂茲路艱崎嶇踰南嶺轉見山鬱盤重  
陰起北谷凍雨響前巒志定邁孰禦身往竟孤攀挽葛  
接懸狖架木凌飛湍律律巖壑變颯颯嵐風寒隔港望  
絕岫葶葶已雲端

廣獄成還南昌候了

夕棲瑞洪渚遙覽渚北山相傳洪厓子乘雲自此閒履

明詩綜卷二十九

十

跡今尚存其人邈莫攀粵子登征塗頻年涉閒關毀譽  
一嬰心寤言多所歎於茲誠踟躕振衣躡前巒洛水莽  
浩浩驚風蕩回川欲濟惜無梁颺輪儻中還

湘妃怨

采蘭湘北沚寒木澧南潯淥水含瑤彩微風託玉音雲  
起蒼梧夕日落洞庭陰不知篔竹苦惟見淚斑深

宋魏

文云深秀

宗子相  
云顏謝

自從行

自從天傾西北頭天下之水皆東流若言世事無顛倒  
竊鈎者誅竊國侯君不見姦雄惡少椎肥牛董生著書  
翻見收鴻鵠不如黃雀啁盜跖之徒笑孔丘我今何言

君且休

西來行

冬廿六日十二月西來泛湖雨明滅雨寒著樹盡成雪  
天波靄露路幽絕鷓鴣禿鷲立如人銜魚避船偷眼噴  
雪晴獵夫會尋汝乘時早可收其身

土兵行

豫章城樓飢啄烏黃狐跳踉追赤狐北風北來江怒湧  
土兵攫人人叫呼城外之民徙城內塵埃不見章江塗  
花裙蠻奴逐婦女白奪釵鏢換酒沽父老向前語蠻奴  
慎勿橫行王法誅華林桃源諸賊徒金帛子女山不如  
汝能破之惟汝欲犒賞有酒牛羊豬大者陞官佩綬趨

明詩綜卷二十九

二

蠻奴怒言萬里入爾都爾生我生屠我屠勁弓毒矢莫  
敢何意氣似欲無彭湖彭湖翩翩飄白旗輕舸蔽水陸  
走車黃雲卷地春草死烈火誰分瓦與珠寒厓日月豈  
盡照大邦鬼魅難久居天下有道四尺守此輩可使亦  
可虞何況土官妻妾俱美酒大肉吹笙竽

高古不可及 孫豹人云贛州賊作亂都御史陳金奏調廣西狼兵征之土兵行所由作也此詩當與杜陵北征詩並傳

楊用修云只以謠諑近語入詩史而

上元訪杜鍊師

宣皇昔時乘八風御龍游戲行煙空馬前兩兩侍玉女  
別館多在蓬萊宮朝天宮中舊時殿樓臺畫鎖無人見  
琉璃井塌青苔滿松柏森森月如練嗚呼往事難具陳  
燈火如山又一春北斗壇西訪隱淪我師黃衫白纓巾

坐我更致西樓賓。玉杯激盪赤瑪瑙。織罽四角銀麒麟。  
酒肉山堆滿堂醉。仙廚往往來。八珍孝宗之朝。五真人  
師也。磊落當其倫。自言召見親。賜食曾把丹。書獻紫宸  
如今寂寞看春色。銀魚玉帶無消息。豈惟魚帶無消息。  
欲語吞聲淚霑臆。勸師對此莫酸辛。世間萬事如轉輪。  
且將芝草供生計。聊與煙霞作主人。月偏彩雲當牖生。  
旋呼兩童吹玉笙。聞師妙得逡巡術。百壺倒盡還須傾。  
古來仙子向誰在。飲者翻垂千載名。垂千載亦區區。  
酒闌燈昏夜復徂。不見秦陵草已宿。春生樹啼雙老烏。  
此時亦應羣帝趨。金燈翠旗光有無。

奉送大司馬劉公歸東山草堂歌

明詩綜卷三十九

十一

東山有草堂。縹緲雲嶠孤。前對祝融峰。下瞰巴陵湖。明  
公昔時此堂居。麋鹿熊豕當窗趨。洞庭日落風浪湧。倒  
影射堂堂欲動。慘澹誰聞歎。芝曲獨善不救蒼生哭。先  
帝親裁五色詔。老臣曾受三朝祿。此時邊檄多戰聲。曳  
履謁帝登承明。謝安笑却淮淝敵。魏相坐測單于兵。九  
重移榻數召見。夾城日高未下殿。英謀密語人不知。左  
右微聞至尊笑。自從龍去不可攀。公亦卧病思東山。湘  
娥含笑倚竹立。山鬼窈窕堂之側。上書苦死只欲歸。聖  
旨優容意悽惻。內府盤螭縷金織。賜出傾朝皆動色。白  
金之錠紅票記。寶鈔生硬雅翎黑。崇文城門水雲白。是  
日觀者塗路塞。城中冠蓋盡追送。塵埃不見長安陌。人

生富貴豈有極男兒要在能死國不爾抽身早亦得君  
不見漢二疏千載想慕傳畫圖即如草堂何處無祿食  
醜竊胡爲乎乃知我公眞丈夫嗚呼乃知我公眞丈夫  
二月四日部署宴餞徐顧二子

春日戴陽官署幽東吳二子過我游庭空日斜吏人散  
窅然何異經林丘今晨驚蟄暖氣達昨夜哀鴻呼故儔  
中庭古槐蒼蘚溽上有百鳥何啁啾倉庚交交刷其羽  
君看巨細各有求明時冠軒幾邂逅得暇胡不攀淹留  
自從去年識徐顧令我意氣傾南州徐郎近買洞庭杔  
顧子亦具錢唐舟浮生飄轉若飛蓬倏忽聚散誰能謀  
風光爛熳况復爾願寫清壺消客憂故人苦稱不好飲  
舉杯入脣還復休妙歌時時激慷慨鄙夫何以荅綢繆  
嚴柝沉沉靜夜色北斗倒挂城南樓祇恐天明驅馬出  
攬袂延望河之洲

苦熱諫屠參議

豫章之熱眞毒淫六月已破仍不禁赤雲行空日在地  
萬里一望炎煙深東蒸扶桑輪欲槁黑河水乾龍不吟  
院松亭亭我所愛比遭摧多無好陰縱今跣足欲何往  
此地寸冰如寸金層檐大廈尚喘喙矮屋茅堂淚滿襟  
滕王有閣高百尋閣下澄江清映心紫薇使者卧其上  
卷幔恰對西山岑赤脚門子搖大扇行坐吟哦揮素琴  
幾欲往訪簿書積豈我無酒同誰斟亭午蘊隆潭水沸

蛟蜃下徙鼉鼉沉何況走原之獸棲枝禽嗚呼豫章之  
熟其苦有如此而我胡為營營與世爭華簪

徐子將適湖湘余實戀戀難別走筆長句述一代  
文人之盛兼寓祝望焉爾

崢嶸百年會浩蕩觀人文建安與黃初叱咤皆風雲大  
曆熙寧各有人夏金鼓玉何續紛高皇揮戈造日月草  
昧之際崇儒紳英雄杖策集軍門金華數子真絕倫宣  
德文體多渾淪偉哉東里廊廟珍我師崛起楊與李力  
挽一髮回千鈞天球銀甕世希絕鰲掣鯨翻難具陳洪  
川無梁不可越日暮悵望勞余神徐郎生長蘇臺陰二  
十作賦雄海濱竭來抱玉叩閭闔長安繡陌行麒麟是

明詩綜卷二九

十四

時少年誰最文太常邊丞何舍人舍人飄飄使南極直  
窮金馬探瀘津爾雖不即見顏色夢中仿佛形貌真余  
也潦倒簿書客諸公磊落清妙身大賢衣盜豈虛擲應  
須爾輩揚其塵休令黼黻怨岑寂要與琬琰增嶙峋海  
陵先生雅愛士晚得徐郎道氣伸喬王款接雖不數邇  
聞亦欲來卜鄰驛騶造父兩相值一瞬萬里誰能馴都  
門二月芳草發御溝楊柳垂條新徐郎縮牒將遠適使  
我旦夕生悲辛為君沽酒上高樓月前醉舞梨花春天  
明挂帆向何處鴻鴈哀鳴求故羣南登會稽探禹穴西  
浮湘水弔靈均洞庭波寒木葉下峽口風急後嘯聞司  
馬太史有遺躅歸來著書追獲麟

朝飲馬送陳子出塞

朝飲馬夕飲馬水鹹草枯馬不食行人痛哭長城下城邊白骨借問誰云是今年築城者但道辭家別六親寧知九死無還身不惜身爲城下土所恨功成賞別人去年賊掠開城縣黑山血迸鴉翎箭萬里黃塵哭震天城門晝閉無人戰今年下令修築邊丁夫半死長城前城南城北秋草白愁雲日暮聞鳴鞭

林良画兩角鷹歌

百餘年來画禽鳥後有呂紀前邊昭二子工似不工意吮筆決皆分毫毛林良寫鳥祇用墨開縑半埽風雲黑水禽陸禽各臻妙挂出滿堂皆動色空山古林江怒濤

明詩綜卷三十九

十五

兩鷹突出霜厓高整骨刷羽意勢動四壁六月生秋臍一鷹下視睛不轉已知兩眼無秋毫一鷹掉頸復欲下漸覺颯颯開風毛匹綃雖慘澹殺氣不可滅戴角森森爪拳鐵迴如愁胡皆欲裂朔雲吹沙秋草黃安得臂爾騎馱鐵草間妖鳥盡擊死萬里晴空灑毛血我聞宋徽宗亦善貌此鷹後來失天子餓死五國城乃知圖寫小人藝工意工似皆虛名校獵馳騁亦未事外作禽荒古有經今皇恭默罷游燕講經日御文華殿南海西湖馳道荒獵師虞長俱貧賤呂紀白首金爐邊日暮還家無酒錢從來上智不貴物淫巧豈敢陳王前良乎良乎寧使爾画不直錢無今後世好画兼好畋

錢選畫張果圖歌

張翁紙驢真有無錢也何意傳其圖印記雖明幅斷裂  
李侯完之亦奇絕所恨圖尾錢有詩就蛇添足將無癡  
憶昔翁來集賢院入宮詔許肩輿便一日聲名人主動  
千年面目吾今見帝貌深沉玉榻雄侍人一異三人同  
漢皇信有瑤池降秦始枉慕蓬萊通玄言未竟鈴殿風  
寸驢躍出青箱空有童追捉雙眼紅此驢蹶躡盤當中  
李侯一看一絕倒每稱獨苦嗟良工細觀張翁骨格古  
徐福五利寧其伍曰嬪真令天下疑遄歸轉覺皇心盡  
長生殿前牛女辰廣寒仙桂舞鸞身世閒但識申師巧  
誰解中條放浪人

洛陽道

明詩綜卷十九

六

桃花馬金絡頭白面郎紫貂裘三月洛陽道垂柳蔭清  
溝溝水東流不記春花開花落幾回新東風日暮楊花  
起愁殺高樓獨倚人

朱遷鎮

水店回岡抱春湍滾白沙戰場猶傍柳遺廟只棲鴉萬  
古關河淚孤村日暮笳向來戎馬志辛苦為中華

徐墓書張相國碑銘

不讀南州傳誰知高士心江城遺像在春日古祠深竹  
鳥嚶嚶合松牆靡靡陰曲江千載碣書罷淚盈襟

明遠樓春望

貢院初開閣春陰獨倚欄柳邊千艦聚花裏萬家殘風  
雨江聲壯兵戈地色寒斷腸沙塞鴈羣起向長安

蔣仲舒  
云含愁

酬京師友人見寄作

浮雲悲故國積水起鳴雷不見長安日愁登古吹臺故  
人三月別天上一書來欲問經行處山中杜若開

東陂秋汎

久說東陂好今陪上客遊綺筵開画舫哀笛奮中流舞  
每低輕燕歌先起白鷗稍前休更進吾愛荻花洲

游兵

聞道新開口游兵未解圍只須殊死戰莫放隻輪歸漢

明詩綜卷二十一

七一

月已自滿林烏常夜飛早將書插羽天子日宵衣

環縣道中

西人習鞍馬而我憚孤征水抱琵琶寨山銜木鉢城裏  
瘡新罷戰插羽又徵兵不到窮邊處那知遠戍情

赴郊觀宿

城邊水色靜春茅苑外鶯啼拂露梢萬戶煙花臨複道  
九天宮殿鎖南郊霓旌夜發清溪繞彩仗晨飛碧樹交  
身到釣天渾不解坐聞仙樂下雲楮

謁陵

本朝陵墓傷居庸聞說先皇駐六龍一日玉輿回朔漠  
遂令金殿鎖秋峰明禋袞職雖多預備物祠官豈盡供

報祀獨知今上切每於霜露見愁容

秋懷 三首

慶陽亦是先王地城對東山不窟墳白豹塞頭惟皎月  
野狐川北盡黃雲天清障塞收禾黍日落溪山散馬羣  
回首可憐鼙鼓急幾時重起郭將軍

宣宗玉殿空山裏野寺霜黃鎖碧梧不見虎賁移大內  
尚聞龍舸戲西湖芙蓉斷絕秋江冷環佩淒涼夜月孤  
辛苦調羹三相國十年垂拱一愁無

大同宣府羽書同莫道居庸設險功安得昔時白馬將  
橫行早破黑山戎書生誤國空談裏祿食驚心旅病中  
女直外連憂不細急將兵馬備遼東

穆敬甫云諸作如雲  
屯高嶺風涌飛流

明詩綜卷十九

十八

雪後朝天宮

馬上城中見雪山白雲蒼霧滿燕關蓬萊咫尺無人到  
松柏黃昏有鶴還當日翠華游物外百年金殿鎖人間  
浮塵擾擾江湖遠悵望巖樓不可攀

良嶽篇

宋家行殿此山頭千載來人水一丘到眼黃蒿元玉砌  
傷心錦纜有漁舟金繒社稷和戎日花石君臣棄國秋  
漫倚南雲望南土古今龍戰是中州

潼關

咸東天險設重關閃日旌旗虎豹間隘地黃河吞渭水  
炎天白雪壓秦山舊京想像千官入餘恨逡巡六國還

滿眼非無棄繻者寄言軍吏莫嗔顏

別徐子禎卿得江字

我愛南州徐孺子明瑤美璧世無雙  
新從北極看南極便自吳江下楚江  
日落鷓鴣啼廟口水清斑竹映船窗  
禰衡王粲俱黃土千載何人復此邦

臺寺夏日

古臺高竝鬱岌崑斷塢稜層鎖寂寥  
積雪洞門常慘慘炎天松柏轉蕭蕭  
雲雷画壁丹青壯神鬼虛堂世代遙  
惆悵宋宮偏泯滅二靈哀怨不堪招

漢江歌送范子之桂陽

漢江江上鷓鴣鳴漢江游客無限情  
青山落日下帆影

明詩綜卷三十九

十九

芳草月明聞櫂聲黃鶴磯頭暮雲盡  
鸚鵡洲邊春水生莫倚仲宣能作賦  
洞庭南接桂陽城

秋望

黃河水遶漢宮牆河上秋風鴈幾行  
客子過壕追野馬將軍韜箭射天狼  
黃塵古渡迷飛輓白月橫空冷戰場  
聞道朔方多勇略只今誰是郭汾陽

王元美云  
雄渾流麗

朱遷鎮

水廟飛沙白日陰古墩殘樹濁河深  
金牌痛哭班師地鐵馬驅馳報主心  
入夜松杉雙鷺宿有時風雨一龍吟  
經行墨客還詞賦南北淒涼自古今

東華門偶述

銀甕爛生光盤龍繡袂香但知從內出不省試何王  
贈何舍人

朝逢康王城暮送大堤口相對無一言含悽各分手  
豔曲

父母愛小女女是聰明子生不識鴛鴦繡出鴛鴦是

曉鶯

晚皖夢中迷流鶯碧樹西起來紅日照已度別枝啼

雲中曲 二首

黑帽健兒黃貉裘匹馬追奔紫塞頭相逢不肯通名姓  
但稱家住古雲州

白登山寒低朔雲野馬黃羊各一羣冒頓曾圍漢天子

明詩錄卷二十九

三

胡兒惟說李將軍

聖節閑駕出塞

千官北首望龍旂萬國車書集鳳闈八駿瑤池秋色遠  
幾時親擁白狼歸

送周判官

明鏗綠酒五花裘客舍新秋螢火流問君不飲真何事  
明日出城風葉愁

月夜過訪王子

率爾高陽飲博徒酣歌擊劍膽何麤金門貴客如相許  
徑脫鸚鵡裘付酒壚

詩仲舒  
云語爽

夏口夜泊別友人

黃鶴樓前日欲低  
漢陽城樹亂烏啼  
孤舟夜泊東游客  
恨殺長江不向西

別李生

華也南來送我行  
青絲挈酒玉壺輕  
滕王閣下江千尺  
一曲滄浪萬古情

送王韜

王郎口談金虎文  
自稱師是紫陽君  
挂帆明日忽南去  
影落龍江五色雲

經行塞上

天設居庸百二關  
祁連更隔萬重山  
不知誰放呼延入  
昨日楊河大戰還

明詩綜卷三十九

主

歸塗詠古

河濟誰言不共流  
青春惡浪古懷州  
蕩搖少室三花樹  
倒映天壇白石樓

汴中元夕

中山孺子倚新妝  
鄭女燕姬各擅場  
齊唱憲王新樂府  
金梁橋外月如霜

京師春日漫興

十日不出花盡開  
城南城北看花來  
即教閉戶從花盡  
莫遣看花不醉迴

蔣仲舒云語  
老而用意婉

送人之南郡

鼓刀朱亥本微寒  
白首侯嬴是抱關  
不爲千金增意氣

祇緣一諾重丘山

明詩綜卷二十九

明詩綜卷二十九

五

杭州圖書館

◎ 杭州圖書館

杭州圖書館